



明文在

和
374
2



利
298
2

東坡
學
東坡

明文在十一目錄
律詩

李鳴鶴一首	韓邦靖二首	蔣山卿一首	鄭善夫一首	薛蕙一首	鄭作一首	李夢陽一首	徐禎卿一首	桑悅一首	邵寶一首	顧璘三首	高啟四十一首
-------	-------	-------	-------	------	------	-------	-------	------	------	------	--------

王穉登四首	馬汝驥一首	楊慎一首	汪本一首	孫一元一首	何景明一首	程誥一首	蔡羽一首	魏時敏一首	楊循吉二首	陳憲章三首	顧璘三首
-------	-------	------	------	-------	-------	------	------	-------	-------	-------	------

所錄
有拘邪

明文在卷十一

常熟 薛熙纂
長洲 陸世恆訂

律詩

過戴居士宅

高啟

江邊戴顓宅地好，愜幽尋高樹，藏卑屋新篁，補舊林鳥成，留客語雲作，護花陰不負，滄洲約重來，論夙心。

報恩寺逢蔣主簿，就送還如臯。

高啟

貪語酒寒頻，新年見故人，別時煙寺晚，歸路雪江春，造次燈前面，蒼茫舶上身，明朝楚花發，莫歎縣廚貧。

臨頓里

高啟

聞說橋東地，高人舊隱居，養生應有道，覓舉絕無書，愛救黏絲蝶，嗔驚出水魚，時尋戴顓宅，自駕短轆車。

應愛山齋好，秋風不捲茅，鑿渠侵螿穴，移樹帶禽巢，人世真浮梗。

吾生豈繫匏不逢皮從事誰結歲寒交
載酒攜山榼安琴製石牀
息眠皆傍母蜂去自從王穀雨收茶早
梅天晒藥忙不扶靈壽杖筋力老能強
自少圖名意誰言世不知僧求開寺記
客送買山資細雨魚生子
斜陽燕哺兒平生無事迫心苦為尋詩
斬伐憑樵斧經綸在釣車薄雲還露月
小雨不妨花酒債應多處
詩名自一家虛煩明主召懶脫故衣麻
長物原無有何勞犬護屏借看高士傳
學製道人衣窗破容螢入
船空載鶴歸定緣幽事繞不是宦情微
澹泊心情在蕭疎鬢影殘引泉規作沼
留筍待成竿自洗沾泥屐
誰收挂壁冠毛公新有約月夜禮天壇
沐罷便輕幘消搖詠晚天清風蘇病鶴
驟雨集鳴蟬舊史堆湘素
新經錄洞玄誰知城郭裏別自有林泉
汨汨泉通圃蕭蕭柳映門折花搖樹影
踏藕損蓮根饑鴨呼歸艦

新蠶試浴盆屋前高石在知是鬱林孫

茶租催未得菊餌服還能行古時人笑文工造化憎貧留漁艇載

老謝鶴書徵誰識先生樂悠然卧枕肱

雪夜宿翰林院呈危宋二院長

高啟

偶伴王摩詰寒宵宿禁林院鈴風外靜宮漏雪中沈絳蠟銷吟燭

青綾擁賜衾明朝陪賀瑞銀闕曉光深

謝賜衣

高啟

臚呼遙捧賜拜服望蓬萊香帶爐煙下光迎扇月開奇文天女織

新樣內宮裁被澤徒深厚慚無奪錦才

春日退直呈禁署諸公

高啟

待詔直東華歸休每日斜職連詞客苑俸入酒胡家簷網長縈絮

庭磚欲過花知君未出院應草侍中麻

寓天界寺

高啟

雨過帝城頭香凝佛界幽果園春孔雀花殿午鳴鳩萬履隨鐘集

千燈入鏡流禪居容旅跡不覺久淹留

宴王將軍第

高啟

流水通侯第行雲傍妓臺雨催牙仗散風引羽觴來曲學移聲按
詩隨得韻裁莫令遊宴歇次第過花開

詠柳

高啟

何恨苦長鬢纖腰嫵媚春慣愁行路客羞比舞筵人亂葉斜斜雨
狂花袞袞塵殘蟬來噪日應落漢潭濱

京師寓解

高啟

誰言舊隱非靜里且相依綠樹城通苑青山寺對屏官閑休直早
客久夢還稀是物春來典惟存舊賜衣
寂莫過芳時幽懷只自知袖無投相刺篋有寄僧詩鼠跡塵凝帳
蛙聲雨到池疏慵堪置散不敢怨名卑

送宿衛將出守鄧州

高啟

中郎身領仗宿衛在承明舊射雙雕落新乘五馬行紅雲遙魏闕

白水近穰城好勸諸年少春來賣劍畊

冬至夜喜逢徐七

高啟

君來同客館把酒夜相看動是經年別能辭盡夕歡雪明窗促曙
陽復座銷寒世路今如此懸知後會難

送陳則

高啟

挾策去誰親侯門不禮賓愁邊長夜雨夢裏少年春樹引離鄉路
花驕失意人一杯歌短調相送欲沾巾

送錢氏兩甥度嶺

高啟

吏送投荒去應歸下瀨營一家十口散萬里兩身行洞獠欺商市
山魃喚客名江邊南望泣不盡渭陽情

荅宗人廉夜飲王氏池亭見懷

高啟

遙聞池上酌涼夜失炎天酒碧傾當竹衣香坐近蓮浴波人弄月
翻樹鳥鳴煙座上誰相憶唯應是惠連

郊墅雜賦

高啟

江水舍西東鄰家是釣翁路痕深草沒井脈暗潮通籬隔蔬邊雨
門開竹下風不因時賣畚何事入城中
此鄉堪避地亂後戶翻增俗美嫌欺客年豐愛施僧帶星畊處輒
照雪紡時燈且作求田計元龍豈我能
幽事向誰誇孤吟對晚沙浣衣江動月繫艇岸垂花行蟻如知路
歸鳧自識家一尊茅屋底隨意蒼春華
春泥桑下路孤策自扶行身賤知農事心閑見物情魚鳴風欲起
牛飯月初生漸喜無人識何煩易姓名
移家到渚濱沙鳥便相親地僻偏容懶邨荒卻稱貧犬隨春飴女
雞喚曉畊人願得無愁事閒眠老此身
紛紛謝人役寂寂戀吾居細雨春零後斜陽社飲餘岸花飛趁蝶
池葉墮驚魚好了公家事休令吏到廬
路迂橋斷處門靜犢眠時孤墅藏羣柳諸田灌一陂僮閒春作少
婦嬾午炊遲誰道花源好還令太守知

虛閣近鳴湍應宜把一竿雨傷春麥爛風折晚蒲乾抱甕臨江汲
攜書入寺看自慚吾獨幸世難此偷安
亂渚交交白平蕪漫漫青賣薪沙店遠祈穀水祠靈密雨侵蓑重
微風過網腥江邊多酒伴春去不曾醒
入夜潮侵戶經秋雨壞垣里人滄少訟田父醉多言稻蟹燈前聚
莎蟲機下喧自應耽野趣不是忘鄉園
欲沽嗟市遠煙火隔江波客到寒齋少人歸晚渡多汗書燈燼落
驚枕櫓聲過豈敢愁荒寂時危免負戈
野色迥蒼蒼開門葉滿塘僧來雙屐雨漁卧一船霜靜裏脩香傳
閒中錄酒方平生當世意到此坐成忘
紅樹江南近青山北郭遙江清目渺渺林冷髮蕭蕭食鱸知晨釣
聽歌識莫樵尋常送歸客不過水西橋
何處可徘徊林間共水隈夜歸家犬識春睡野禽催有地惟栽藥
無邨不見梅興來慚獨飲時喚老農陪

狂多愛出遊日日問江頭小草皆春意遙山自晚愁酒中時有得
物外復何求不詠騷人調麝蕪任滿洲
居似臨邛宅畊非鄴杜田已償輸稅米未覓賣文錢把卷憐長日
看花愧少年翛然閉門處楊柳桔槔邊

八月十三夜與文濟時範質甫城西泛舟達秦淮

顧璘

落日清川裏輕風已自涼秋懷生白舫山翠撲胡牀問路疑天上
停杯待月光何人橫鐵笛吹過斗牛傍
六代煙華地狂歌得夜游山河橫王氣水月弄清秋木落長干寺
雲殘太白樓共君須痛飲沈醉倚滄洲

贈子魚

顧璘

與子三年別重來鬢已蒼論心風雨夕下榻水雲鄉畫閣燈花煥
秋杯竹葉涼恩慙行止意相對兩彷徨

隱吏亭雜詩

顧璘

卷幔青山入拋書白日長苔茵承屐穩竹粉惹衣香病喜諳禽戲
貧嗔減鶴糧自堪稱隱吏不用問行藏

春日與張萬里城南訪阮仁卿

顧璘

春事已如此郊行亦偶然芳筵甘野蔞輕服快晴天谷靜聞流水
江寒起暮煙病軀登頓倦藉草即思眠

王司訓聰投詩見訪不值

顧璘

閉戶妨迎客空勞枉駕過清詩充謁刺塵榻愧行窩世久輕魚服
君能問雀羅無由挽高躅日暮碧雲多

聞方伯彭公薦劄

陳憲章

當時尊孔孟用世必詩書夫我何為者先生非過歟長歌扶晚醉
短髮向秋疎坐惜籬前水持竿試釣魚

晚步

陳憲章

水國秋先至江邨晚更幽泥筌收郭索山網落鉤輶涼入社門樹
陰連渡口舟獨憐經略地吾得放歌遊

喜梁冠文至

陳憲章

駐槩梅邨夜風光勝早春直知花是路不覺月隨身草木皆知舊
江湖多賤貧短蓑來往數等是最閑人

三竺道中

邵寶

人行松徑靜數里不知遙路轉還逢寺僧迎只過橋巖姿收獨妙
泉響息羣囂東去頻回首山花似我邀

殘雪

楊循吉

殘雪經時久常聞簷溜聲謂晴皆又濕疑雨日還明地背融偏後
宵寒凍復成不妨留莫泮借爾照書楹

旦公往寶積寺

楊循吉

古廟石湖邊為僧今幾年開堂小遊戲出世大因緣生死一夢耳
江山常熾然遙知末句子不肯向人傳

送春

桑悅

年換朱顏去春拋綠酒歸孤身類蓬轉老眼看花飛愁裏成新詠

閒中簡舊非丁靈初夏雨好長故山薇

水南絳帳

魏時敏

故老傳經日諸生立雪時瓶香人送酒門響客催詩白髮經秋短
青燈坐夜遲河汾有遺稿讀罷一興思

在武昌作

徐禎卿

洞庭葉未下瀟湘秋欲生高齋今夜雨獨卧武昌城重以桑梓念
淒其江漢情不知天外雁何事樂南征

虎邱退居集友人

蔡羽

檻外斜吳苑林間促羽觴池花搖暑淨泉韻雜松涼念別經時久
重來笑客忙小吳軒裏月臨發戀清光

早春繁臺

李夢陽

泯泯春猶早行行賞不違柳黃沙際見草色雪中歸積水生雲氣
孤城下夕暉誰禁臺寺望北雁又將飛

次陽邏堡

程誥

征騎晚駸駸
陂湖驛路侵
見山思隱計
投館得歸心
市近春風軟
江遙暮雨深
提壺問邨酒
誰惜解囊金

過李氏莊

鄭作

沙徑縈村入
柴門面水開
園林君自得
鞍馬我能來
白鷺窺魚立
黃鶯觸燕回
日斜猶不去
相與坐莓苔

九日同馬君卿任宏器登高

何景明

歲歲重陽菊
開時不在家
那知今日酒
纔對故園花
野靜雲依樹
天寒雁聚沙
登臨無限意
何處望京華

重游蕭氏園

薛蕙

別此真如昨
重游換物華
粉滋曾倚竹
紅淺舊看花
沙阪縈林曲
山籬逐水斜
城南咫尺路
未覺往來賒

西湖

孫一元

十里山如拭
西湖背郭流
僧歸虹外雨
雲抱水邊樓
春事多逢醉
歌聲半是愁
獨憐垂釣者
吾欲共滄洲

哭張士孚

鄭善夫

同舍今何在
斯人天下無
感時看諫草
何日奠生芻
狐鼠私相慶
衣冠勢益孤
空餘青史上
遺簡載名儒

溪行呈元之族祖

汪本

雨濯山光潤
風吹溪響清
有懷成遠詠
無伴趁幽行
野草不媚世
沙鷗寧近名
歸來卧松石
新月西林生

王昭君

蔣山卿

拭淚新裝束
朝來殿裏辭
何堪辭訣日
卻是見憐時
漢騎臨關少
胡笳出塞遲
琵琶寫哀怨
淒切轉添悲

宋玉

楊慎

文藻三閭並
幽懷九辯知
雲爲巫峽賦
雪作郢中詞
茅屋還遺址
蘭臺異昔時
鴻裁誰獵艷
空自拾江離

病中送人入陝

韓邦靖

渭水潼關北
吾親舍在茲
君行須此路
我往未知期
但報平安日

休言疾病時丈夫憐少子恐遺鬢成絲

聞雁

韓邦靖

鳴雁蕭蕭下寒燈故明角聲傳細雨雲色渡高城兄弟無書信
乾坤有甲兵秋風歸未得見爾不無情

芭蕉園

馬汝驥

輦道山樓直宮園水殿低碧荷春檻出紅藥晚階齊鈞石蛟龍隱
歌臺烏雀啼翠華當日幸花木五雲迷

山居

李鳴鶴

石壁日初上春山風乍晴偶隨黃犢出閒傍綠溪行幽鳥淡無語
落花亂有聲迴看飛瀑下樹杪白雲生

虎邱寺看妓人走馬

王穉登

駿馬龍駒種佳人燕子身馳驅下夕坂險絕太驚人血是蹶間汗
香爲鬢裏塵解鞍慵不語游子替傷神

看梅過玄墓山中

王穉登

人似梅花瘦舟如蘭葉長青山十畝白流水一春香種密人難入
開齊夜有光苔枝容我折野老不嗔狂
橋外花開日分明雪作圖不將他樹雜未有一家無多處半青嶂
香時過太湖濁醪元易得市遠亦須沽

紫陽庵丁真人祠

王穉登

丹壑斷人行琪花洞裏生亂崖兼地破羣象逐峯成一石一雲氣
無松無水聲丁生化鶴處蛻骨不勝情

明文在卷十一

明文在卷十二目錄

律詩

李東陽九首
王越一首
宋濂一首
張以寧二首
張羽四首
徐賁一首
蘇伯衡一首
梁寅二首
謝應芳二首
吳世忠一首
易恆二首
謝遷二首

張泰一首
魏觀四首
王禕二首
宋訥四首
劉崧三首
朱夢炎一首
趙沔一首
王行二首
楊基十二首
吳浩一首
張適二首
林俊一首

周用二首
陳憲章一首
邵寶二首
曾鐸二首

劉玉一首
王守仁二首
顧清二首
楊循吉一首

明文在卷十二

常熟薛熙纂
同里徐州訂

律詩

元日早朝

李東陽

九門深掩禁城春香霧籠街不動塵玉帳寒更傳虎衛彤樓曉色
聽雞人簾前樂應紅燈起階下班隨絲仗陳朝散東華看霽日午
煙晴市一時新

郊祀喜晴有述

李東陽

碧消煙盡露華凝目極瑤臺第九層清珮緩隨馳道月絳籠高應
午門燈風傳廣樂聲初下天近燔柴氣已升人意可占神意悅萬
年靈祚永堪膺

十八日聽傳臚有作

李東陽

金蓮影與赭袍明華蓋前頭次第行黃紙數行丹詔字鴻臚三唱

甲科名雲邊曉日中天見夢裏春雷昨夜聲歸向長安聽人語聖朝羅網盡豪英

十九日恩榮宴席上作

李東陽

隊舞花簪送酒頻清朝盛事及嘉辰星辰晝下尚書履風日晴宜進士巾圍撤漢科三日戰苑看唐樹九回春丹心未老將頭白猶是當年獻策身

九峯書屋和曹時和韻

李東陽

江上草亭新卜築已聞揚子著書成每逢社日聊隨俗久住青山卻有情霜入晚松經歲老雨繁春筍過鄰生小堂若許臨江閣杖履無煩匹馬迎

春興

李東陽

六年書詔掌泥封紫閣春深近九重階日煥思吟芍藥水風香憶種芙蓉登臺未買千金駿補袞難成五色龍身病益愁愁轉病老來歸思十分濃

予素不善飲文明詩來有西涯爛醉欲人扶之句且以二尊

見惠步韻荅之

李東陽

夢斷高陽舊酒徒坐驚神語落虛無若教對飲應差勝縱使微醺不用扶往事分明成一笑遠情珍重得雙壺次公亦是醒狂客幸未粗豪比灌夫

少保商先生壽七十

李東陽

白頭歸老荷君恩一代勳名眾所尊自古年華稀七袞本朝科甲重三元海中仙子長生錄洛下先生獨樂園怪見台光映東壁郎官又侍紫微垣

哭商懋衡侍講

李東陽

科甲文章有父風詞林接武更誰同講經春殿爐煙煥校藝秋闈燭影紅門闕並高緣有弟頭顱未白早稱翁生平五十還非天不道人間是夢中

和武季丈早春游宴

張泰

日滿寒塘冰漸開細泉聲裏覺春來物華天與新雙眼酒量吾應
長一杯野色放青回凍草暗香凝雪上晴梅病軀方藉風光慰敢
問朝簪染素埃

自詠

王越

自歎儒官拜將官談兵容易用兵難世間惟有征夫苦天下無如
邊地寒鬢爲胡笳吹作雪心經烽火煉成丹朝廷公道明如日俯
仰無慙處處安

早朝奉天殿

魏觀

旭日瞳瞳啟奉天百僚雲萃武樓前青松綴玉傳甘露紫筍浮花
淪醴泉多士聽宣魚貫入諸侯分直雁行聯白頭謬忝儒紳後大
本先容赴講筵

大本堂

魏觀

六齋帝子聯龍袞三島神仙列雁行繡轂青鸞金羽蓋錦鞵白馬
紫遊韉御溝細柳雲生暝禁籞飛花雨送涼鄭國書聞能一一玉

爐清晝爲分香

鄭國公常茂等授經大本堂

魏觀

鄭國蘄侯弟子羣儲闈時得奉殷勤宮花細浥研朱露禁柳微濺
洒墨雲御氣日從雙闕望書聲時徹九重聞楚王可是推仁愛臨
帖常容半席分

舊大本堂

魏觀

玉署儲書紫禁東宛然麟鳳穆清風雲開奎壁天光合日射蓬萊
御氣通炬炳蓮花歸學士燈然藜杖致仙翁詹吳宋樂皆時彥譔
述承恩晝夜同

送編脩張仲藻還家畢姻

宋濂

少年歸娶奏金鑾喜得天顏一笑看紅錦裁雲朝奠雁紫簫吹月
夜乘鸞靈椿堂上承中饋寶鏡臺前結合歡從此梅花消息好青
綾不似玉堂寒

次韻荅上清道士

王禕

山中一別五經春近得詩篇意度新文字須爲方外友神仙元是
世間人洞雲玄虎司丹室壇月青鸞禮玉宸坐對匡廬秋色好欲
將寄遠苦無因

桐廬舟中

王禕

瀟洒溪山夢此邦輕風細雨過桐江川迴幾訝船無路林缺時看
屋有窗野果青苞垂箇箇水禽白羽去雙雙到家會值重陽節新
釀邨醅正滿缸

長蘆渡江往金陵

張以寧

春日三竿上翠屏曉風五兩下蘆汀水兼天去無邊白山過江來
不斷青沙紫潮迴平雁跡海門雨至帶龍腥昇平不復後庭曲睡
起漁歌爛漫聽

喜丁仲容徵君至

張以寧

題詩苦憶城南郭喜見歸來鶴姓丁雙鬢野風吹汝白一燈江雨
向人青志士長嗟靈壽杖史官獨失少微星瓊花照眼春無賴明

日酌君雙玉瓶

用韻答趙樵山見和

宋訥

半年學稼入田中時訪邨西鶴髮翁草徑暝煙晨放犢蓬窗秋雨
夜聞鴻瓜香果熟園林趣酒濁雞肥里社風野鳥不知興廢事爭
枝擇樹滿林同
故里初歸整頓中草堂欲學浣花翁芳尊酒熟濃浮蟻老眼詩成
遠送鴻晚節半籬黃菊露秋聲一榻碧梧風於今只有樵山在暮
景何妨事事同

霍元方辭訓導之職來歸東崖故居再用前韻賀之

宋訥

舊隱高崖曲岸中療饑歸作採芝翁無人徑造依亭竹有子書追
戲海鴻門外小船漁笛月籬東矮屋酒旗風先生襟韻知何似秋
菊春蘭臭味同

歸來卽事再用前韻寄霍東崖

宋訥

田園兵後草萊中未要忘機論海翁茅屋四隣羅鳥雀蕪詞一紙
託鱗鴻蠶桑雜黍家家事燕麥鳧葵處處風何日相期歸舊隱水
邊林下著參同

仲春遊望

張羽

春來結伴共閒行此日山川色更明望裏樓臺多見柳靜中阡陌
但聞鶯江藤色帶王孫恨蜀魄吟傷帝子情莫道韶華鎮長在落
花看已滿東城

川上暮歸

張羽

此地頻經畫舫過暮歸原不畏風波煙中漁網懸楊柳浦口船燈
照芰荷歸鳥去邊行客少夕陽盡處亂山多此時詩思渾無賴聽
得前溪子夜歌

行樂過西崦

張羽

白日都消筆硯間偶因行樂到松關秋聲不盡蕭蕭葉夕景無多
淡淡山蛩響寒齋僧自定苔荒深院客常閒已知身世俱成幻莫

歎西風鬢易斑

寄王止仲高季迪

張羽

祇恨孤城未解圍圍開番遣別相知夕陽江上匆匆酒細雨燈前
草草詩有夢直從花落後無書空過雁來時郭西古寺題名處今
日重遊卻共誰

訪王子讓大村幽居借書戲題壁間

劉崧

邨前流水宛如環邨後荒城隱可攀當戶雨苔雙石峻隔江煙柳
數峯閒杖藜麥隴秋霜後尊酒茅堂夕照間聞有古書人少見柴
門客去又長關

送蓮社陸道師歸鏡湖

劉崧

一錫橫飛下鏡湖頭顱老去世緣疏庭栽竹少堪容鶴池種蓮多
不礙魚滿室香雲經盡後半窗明月定回初陶潛嬾入東林社在
在青山可結廬

寄萊州太守趙圭玉

劉崧

憶在兵曹三四年君留東署我西偏檢書清夜然官燭沽酒常時
數俸錢借馬獨行緣送客聞雞相喚去朝天論交亦有胡兼許此
日天涯各惘然

次高二季迪留別韻

徐賁

柴門邨徑帶溪橋來往因君豈憚遙淺水不波仍漾漾疏林無雨
自蕭蕭檣留夕照人將別江作新寒酒易消明日秋風重悵望還
將離思託歸潮

寫韻軒

朱夢炎

掌籍江河誤泄飢幾年謫降學書癡晴窗滴露花搖席午夜揮毫
月滿帷縮得春風留鳳帶畫殘秋水照蛾眉從今了卻人間事一
曲鸞簫跨虎吹

擬唐宮詞

蘇伯衡

紫禁迢迢宮漏鳴夜深無語獨含情春風鸞鏡愁中影明月羊車
夢裏聲塵暗玉階綦跡斷香飄金屋篆煙清貞心一任蛾眉妬買

賦何須問長卿

唐伯庸以詩謝作讀書林記次韻荅之

趙汭

纏居原不見紛華矮屋疏籬只一家雪後松筠初換葉春深桃李
自開花讀殘青竹無人到覽罷黃庭已日斜此道已來成寂莫似
君端合向人誇

次韻酬黎以德

梁寅

銀河斜界樹參天為憶幽人思渺然亥市塵囂迂竹徑午橋煙雨
榜溪船明燈散帙栖鴉後倚杖看山去鳥邊但得文章攀屈宋何
須重賦遠遊篇

都下將歸宿石城門外和李仲淵晚過上林之作

梁寅

韋曲風光尺五天驕驄嘶過酒樓前龍輿陌路疏疏雨鳳闕觚稜
淡淡煙上相彩旃歸柳外王孫金彈落花邊臨流有客題佳句不
羨春風歌舞筵

次韻高季迪見寄

王行

廿載誰詢獨處情，
憐然江郭養餘清。
老顏照水同梅瘦，
短髮臨風並雪明。
寒雁聯行輕落落，
渚晚鴉結隊遠歸城。
匆匆歲莫相思切，
又辱沙塘折簡行。

題雲林畫

王行

每看新圖憶舊遊，
遠情閒景共悠悠。
亂鴻沙渚煙中夕，
黃葉江邨雨外秋。
亂後得安翻訝夢，
醉來因感卻生愁。
那能便結滄洲伴，
重向煙波覓釣舟。

洪武初聞顧仲瑛以召役入城嬰疾而歸尋喜勿藥作此問

訊

謝應芳

聞道龐公近入城，
還家風雨過清明。
催租人去詩仍好，
市藥童歸病已輕。
尚喜竹林青筍出，
不嫌花徑紫苔生。
路逢緇侶傳安信，
候問姑遲數日程。

夜坐

謝應芳

披衣散髮坐南榮，
漏點遲遲欲二更。
風約沼萍雲影澹，
月栖徑竹露華明。
石牀涼意浮珍簟，
寶鼎沈煙噴玉笙。
世慮不關心似洗，
此身祇覺在蓬瀛。

春日雜詠

楊基

陋巷荒蕪野趣濃，
小溪春水恰船通。
無邊草色猶春雨，
有幾梅花更晚風。
文體敢期盧駱並，
交情誰許范張同。
欲將浪跡隨鷗鳥，
錯比溪南是瀆東。

新柳

楊基

濃如煙草淡如金，
濯濯姿容裊裊陰。
漸輒已無顛顛色，
未長先有別離心。
風來東面知春淺，
月到梢頭覺夜深。
惆悵吳宮千萬樹，
亂鴉疎雨正沈沈。

春草

楊基

嫩綠柔香遠更濃，
春來無處不茸茸。
六朝舊恨斜陽裏，
南浦新愁細雨中。
近水欲迷歌扇綠，
隔花偏襯舞裊紅。
平川十里人歸晚，
無

數牛羊一笛風

春日白門寫懷

楊基

得歸雖喜未忘悲，夢裏愁驚在別離。
尚短柳如新折後，已殘梅似半開時。
江雷殷夜蟲蛇早，山雨崇朝蛺蝶遲。
製取烏紗籠白髮，免教春色笑人衰。

梅花

楊基

落莫香魂繞舊宮，詎知色相本來空。
笛聲黃鶴高樓上，詩句孤山小店中。
曉樹煙霜千萬點，晚籬松竹兩三叢。
相思咫尺憑誰寄，目斷天南字字鴻。

寄諸葛同知彥飛

楊基

白髮慵梳步履遲，老於田野最相宜。
每當酒熟花開日，正值身閒客到時。
雪屋夜燈因婦織，月波秋舫爲僧移。
而今此樂同誰說，只有鄉人馬遠知。

省垣對雨有懷方員外

楊基

煮得新醅灑灑紅，省垣誰與晚尊同。
人當翫別情偏惡，詩到無聊語更工。
江浦荷花雙鷺雨，驛亭楊柳一蟬風。
論文若到虞楊地，應對清江憶范公。

舟次邵白有懷徐幼文

楊基

文章小技耻雕蟲，也逐羣才赴洛中。
多病不宜秋色裏，相思只在暮江東。
雞豚籬落茅茨雨，鳧鴨陂塘菡萏風。
欲買一尊澆寂寞，傷心不與故人同。

春日山西寄王允原知司

楊基

十里煙光濕翠苔，二分春色到花朝。
無人快擊華奴鼓，有伴同吹弄玉簫。
遍地錦圍歌處席，滿身珠壓舞時腰。
莫嗔老子疏狂甚，曾醉揚州廿四橋。

一莖白髮已堪嗟，況是東風兩鬢華。
醉裏誤將衰作紙，老來羞以帽簪花。
疏狂不識眉雙結，敏捷曾經手八叉。
閒喜日長公館靜，自分新火試新茶。

無題和李義山

楊基

纔向瑤臺覓舊踪
曙鴉啼斷景陽鐘
薄施朱粉妝偏媚
倒插花枝態更濃
立近晚風迷蛺蝶
坐臨秋水亂芙蓉
多情莫恨蓬山遠
只隔珠簾抵萬重

浦口逢春憶禁苑舊游

楊基

春冰消盡草生齊
細雨香融紫陌泥
花裏小樓雙燕入
柳邊深巷一鶯啼
坐臨南浦彈流水
步逐東風唱大堤
還憶當年看花伴
錦衣驄馬玉門西

春江花月夜

吳世忠

翠華巡幸駐離宮
錦纜龍舟萬乘東
銀甕香浮仙醴綠
金堤花簇御筵紅
透迤簫鼓來天上
混漾旌旗在月中
回首可憐春殿隔
如花宮女泣東風

泊瓜洲渡

吳浩

淮煙漠漠夕陽收
楚樹昏昏翳客舟
風度鐘聲來北固
帆將燈影

過揚州雲消碧海天
無際波撼金山地
欲浮獨恨壯遊非
昔日滿江風露夜如秋

錢塘築城過西湖述懷

易恆

人間秋色易蕭條
湖上風光更寂寥
龍井陰時應有劍
鳳臺空後不聞簫
脩眉愁澹初三月
畫舫歌殘第六橋
坐看兩峯千古並
蓬萊幾見海塵漂

述懷

易恆

雁信無憑蝶夢訛
寥寥空望遠人過
家如明月圓時少
腸似遊絲斷處多
垂白不禁青鏡在
落紅其奈綠陰何
百年歲月今如許
誰遣流光逐逝波

江館

張適

黃葉孤村逕路遙
時來幽客伴蕭條
一簾林影雲生樹
滿屋江聲雨送潮
衲子說因徵往世
鄰翁觸事話前朝
此鄉喜得離喧雜
自分從漁更學樵

喜晴

張適

風生柳港雨晴初塵鞅何曾識我廬燕蹴落紅沾几席日移嫩綠
上琴書傷春未許尊無醪留客尤憐饌有魚自覺歸田便野性不
妨竟日帶經鋤

雪中崇之送麻姑一尊謝以前韻

謝遷

醒眼寒窗對白虛馬軍來值卧瓶初呼童旋覓團臍餅謀婦方烹
巨口魚蕉葉淺斟能稍稍梅花欲放正疏疏心交久矣醇醪醉豈
必盱泉味有餘

食梅

謝遷

夏木陰陰雨氣寒半黃肥顆摘林端齒輸赤子先拌軟眉爲蒼生
故自攢調劑功微慙玉鉉賜沾恩重憶金盤一株留取當階樹羸
得花時索笑看

勸駕述懷次東所韻

林俊

霜前黃葉漫青山瘦竹疏花共晚閒老去筋骸翻自念日來雲水

信相關經心楊柳三眠外作意棋枰一著閒好是內庖羞獨割凍
梨慙改故時顏

落花

周用

幾日繁花亦有姿便教飛盡只空枝明年有約休孤我昨夜無風
欲怨誰蜂慰苦心甘辦蜜蠶羞衰鬢薄紫絲鶴林縱謂猶堪賞攜
酒明朝已怕遲

撼白欺紅恨已多新詞莫遣雪兒歌數株欲借羣芳後三月猶看
幾日過錦席剩香留一瓣銀屏深影蹙雙蛾離魂轉覺難憑藉盡
日風吹無奈何

漫興

劉玉

縛茅爲屋倚山椒名姓人傳太古樵白石曉炊雲出甌清泉夜釀
月盈瓢釣魚懶過雙溪堰驅犢時臨獨木橋寄謝長官休物色多
年洗耳向唐堯

元旦試筆

陳憲章

六載虛勞供奉恩白頭吾亦兩朝臣閭閻擊壤今弘治簡冊編年
又戊申日色小薰穠李晝風光欲醉乳鶯春廬岡此景誰分付也
到江門不屬人

因雨和杜韻

王守仁

晚堂疏雨暗柴門忽入殘荷瀉石盆萬里滄江生白髮幾人燈火
坐黃昏客途最覺秋先到荒徑誰憐菊尙存却憶故園畊釣處短
蓑長笛下江邨

別希顏

王守仁

後會難期別未輕莫辭行李滯江城且留南國春山興共聽西堂
夜雨聲歸路終知雲外去晴湖想見鏡中行爲尋洞裏幽栖處還
有峯頭雙鶴鳴

膠山忠定祠次施克和韻

邵寶

壯懷千古了難償太息羣陰剝一陽鳴鳳未聞聲徵角戰龍曾見
血玄黃薄茅藉處非無地老樹陰中合有堂風雨去城三十里滿

山簫鼓爲誰忙

送朱工部請告歸上虞

邵寶

記得逢君在樂平新涼庭院碧梧清周官六典曾司寇禹貢三江
又水衡澤國煙波吟裏興雲林風日病餘情西興渡口猶回首聞
道秋潮昨夜生

以燈圓餉陸太僕

顧清

三五新正憶故園屑雲糜玉鬧春盤小奴解作江南意遠客都忘
歲莫寒梅欲闌圓忙著子雪如爭巧故成團玉厓太僕眞清吏莫
認明珠按劍看

南邨約庵雨中過訪喜新街成飲平胃散酒別後賦此寄之

顧清

白雲本是青雲侶今雨依然舊雨人輿力競誇新路穩酒奴還說
近方醇紛紛且置人間事噉噉誰全物外身畢竟浮生幾兩屐欲
將泰華等游塵

莫春書事

曾鐸

書籤藥裏近藜牀睡起虛齋日正長
蝌蚪池塘古文字倉庚庭院
沸笙簧林陰坐久衣裾潤花逕行多
屐齒香病得賜骸耽勝事擬
將芹曝報吾皇

涯翁母一品太夫人壽

曾鐸

龍門佳氣曉如虹不與人間設悅同
天上貽封元一品膝前稱壽
是三公玉桃歲久丹為顆
護草春長翠作叢侍從諸孫歸較晚
北堂燈燭夜筵紅

九日園亭用杜牧之韻

曾鐸

揮翰題糕手欲飛菊邊香霧正霏微
誰從今日仍辭醉不道常年
苦憶歸短屐未妨逢細雨殘尊還可
待斜暉官貧猶勝陶彭澤剛
得東籬有白衣

新治小軒成

楊循吉

費將心力治齋居細竹移來葉尚疏
雪白蠟光鋪榻眼鴉青布色

染簾裾規模別出經營外景物新呈
晦沒餘絲壁正防童稚汚粉
牆還待友朋書今宵纔是題詩起
此席方為讌客初前郭後邨無
曠地相過莫怪不寬舒

明文在卷十二

明文在卷十三目錄

律詩

朱	右九首
劉	基八首
高	遜志一首
邵	亨貞二首
藍	仁一首
貝	翔二首
林	弼一首
張	紳二首
甘	瑾三首
林	鴻五首
袁	華四首
王	佐一首

袁	凱三首
揭	軌二首
韓	奕六首
劉	仔肩一首
陶	奎一首
王	翰四首
練	高二首
戈	鎬一首
高	啟二十首
浦	源一首
孫	蕢二首
郭	翼一首

明文在卷十三

常熟薛熙纂
武進蔣鏞訂

律詩

憶鄉中諸故友

朱右

東麓溪頭蟹渚陰故鄉幾度憶同襟
詩聯石鼎秋燈冷韭翦春園
夜雨深白髮每馳張長夢青山慵
鼓伯牙琴客牀寥落情無賴月
滿空梁強自吟

白燕

袁凱

故國飄零事已非舊時王謝見應稀
月明漢水初無影雪滿梁園
尚未歸柳絮池塘香入夢梨花
庭院冷侵衣趙家姊妹多相忌莫
向昭陽殿裏飛

橫溪寓所

袁凱

高林深竹氣冥冥野色波光更滿汀
草閣雨晴鳴翡翠花畦風煥

入蜻蜒書成已與山公絕賦就惟教阿買聽猶未忘情是杯酒尚
煩隣里致盆瓶

登虎溪閣

袁凱

秋深時節雨霏霏獨坐江樓看雁飛煙火數家山郭晚篷檣幾處
野航歸謀生計畫人皆笑投老鄉關事已非聞道淮南新易將江
湖此日亦沾衣

卽事

劉基

春半餘寒似莫秋掩門高坐日悠悠樹頭獨立知風鵲屋角雙鳴
喚雨鳩芳意自隨流水逝華年不為老人留浮花冶葉休相笑自
古英雄總一漚

水西寺東樓曉起聞鶯

劉基

日上高城柳影齊風軒臨水看鶯啼初來木杪鳴相應稍入花間
聽卻迷芳草自深句踐國行人猶隔禦兒溪思家每恨無輕翼可
對鶯花不慘悽

普濟寺遣懷

劉基

江上西風一葉黃莎雞絡緯滿叢篁物華乘興看都好時序逢愁
速不妨露下星河光潑灑月明巖谷氣清涼願聞四海銷兵甲早
種梧桐待鳳凰

感興

劉基

病骨愁寒憶見春及觀春色卻愁人轉添細草當門徑不惜穠華
委路塵去國杜鵑紅淚盡傷時庾信白頭新風波滿地鷓鴣鳥相
趁銜魚飽一身

病足戲呈石末公

劉基

旻天容我作支離病瘧纔除足就羸跬步不妨猶似鼈蹕行那得
更憐夔抱珍獻楚何堪再斫樹收龐亦未遲塞叟於今知匪禍周
雞從此免為犧

次韻和石末公紅樹詩

劉基

岸柳江蒲總戚施柏林辛苦擢金支虞人詫見炎官傘候騎訛傳

漢將旗照水熒煌空街貌因風飄落竟從誰應慚若木生陽谷長
駐跋烏燭掩噉

次韻和石末公秋日感懷見寄

劉基

郊原如赭已無秋況復干戈未肯休肉食不知田野事布衣深為
廟廊憂典章淪落悲芻狗餽餉倭遲想木牛禮樂將軍今卻穀豺
狼滿地待虔劉

遣興

劉基

江上潮來風捲沙城頭畢逋當尾訛燕泥半濕昨夜雨蛛網忽黏
何處花孤坐日月自閑暇出門岐路空交加漫將白髮對芳草日
送去鴻天一涯

晚歸

揭軻

苑外金波映水天歸驄蹀躞暮江邊鳳皇臺閣初含雨燕子人家
又禁煙詩寫桃花歌扇裏酒攜楊柳舞樓前請看秋雨胭脂井好
醉春風玳瑁筵

宴南市樓

揭軻

詔出金錢送酒壚綺樓勝會集文儒江頭魚藻新開宴苑外鶯花
又賜醕趙女酒翻歌扇濕燕姬香襲舞裙紆繡筵莫道知音少司
馬能禁絕代無

贈章安甫老人

高遜志

籃輿迢遞出郊坰野服翩然鶴髮星柱史不辭周問禮伏生須為
漢傳經汀洲水落蒹葭老澤國霜寒橘柚青自笑隱淪緣底事時
危蹤跡一浮萍

湖州道中

韓奕

百里溪流見底清茗花蘋葉雨新晴南潯賈客舟中市西塞人家
水上畊崖轉青山紅樹近湖搖碧浪白鷗明櫂歌誰唱鸞鸞月仿
佛吳儂子夜聲

竹爐

韓奕

綠玉裁成偃月形偏宜煮雪向巖扃虛心未許如灰死古色人看

是汗青偶免樵柯供土銜尚疑清籟和陶瓶達人曾擬同天地上
有秋蟲爲篆銘

南金錢先生應庚莫春過溪上早秋成四韻奉寄

邵亨貞

桃花浪裏泊扁舟草草相逢恨莫留一自春風來折簡幾番夜月
獨登樓塵踪偃蹇長懷舊蓬鬢蕭疏又見秋爲報故人安好在身
閑不負遠公遊

御濱見荷花

邵亨貞

每愛西湖六月涼水花風動畫船香碧筒行酒從容醉紅錦游帷
次第張月殿承恩霑沆瀣星槎流影下陂塘江南秋冷紅衣落離
立西風舊恨長

荆南江晚眺有感

劉仔肩

沙頭寂寂晚維舟詞客重來感舊游江上夕陽諸葛廟雨中芳草
仲宣樓天連錦水來春色雲暗襄陵起莫愁回首可憐梁甫意一

官牢落向南州

九日西莊懷弟

藍仁

衰年無力遠登臨短杖扶持叩竹扃雨過林間雙澗碧雲消天際
一峯青黃花寂莫憎詩瘦白髮淒涼畏酒醒手把茱萸思骨肉雁
聲孤起夕陽汀

送徐千戶之甘州

陶奎

春寒初試越羅袍不惜千金買寶刀馬援橐中無薏苡張騫槎上
有葡萄崑崙西去黃河遠函谷東來紫氣高何事相逢又相別隴
雲邊月夜勞勞

閑居

貝翱

閑居不是爲逃名野性從來少宦情況有林塘供笑詠且無冠蓋
費逢迎夕陽山好樓中見春水船高樹杪行何處飛來如雪鳥相
親相近不相驚

吳門會故人樓文淵

貝翱

憶曾相識自兒童二載雲間筆硯同深院鈔書桐葉雨曲闌聯句
藕花風當時壯氣凌諸子今日衰顏對兩翁高卧田園真自樂宦
游愧我向西東

次韻峨眉山

王翰

霧作衣裳雲作屏玻璃萬頃著娉婷望夫石上偏多雨織女河邊
欲殞星蟬竦夏涼收淺絳蟾蜍秋冷抹長青可憐天際微顰處六
國興亡一夢醒

和黃體方伴讀新蟬韻

王翰

滿地殘花過雨天槐陰庭院響新蟬輕敲金奏當窗外閒撥銀箏
向枕邊曉露吸殘青草岸晚風吹出綠楊煙家山深處林亭好曾
被繁聲聒醉眠

秋信

王翰

寒來消息是誰傳金井梧桐一葉先殘暑已消團扇底新涼纔到
短檠前問愁多在蛩聲裏寄遠常從雁影邊流浪浮生渾不覺知

幾林外有鳴蟬

夜月吹簫圖

王翰

梧桐月轉欲栖鴉閑弄參差隔紫霞彩鳳暗巢長樂樹金鸞偷語
上林花鬪妝涼露霑釵玉簇仗香雲繞扇紗吹到涼州移別調君
王親爲按紅牙

題秦皇廟

林弼

往事悠悠逐海波荒祠寂寂寄巖阿三神山下仙舟遠萬里城邊
戰骨多東魯尙存周禮樂西秦空壯漢山河早知一世能移祚崖
石書功不用磨

游冶城山

練高

瑤草秋深石磴長半空嵐氣濕衣裳江山佳處一亭古風雨來時
四座涼陰洞水腥龍蛻骨仙巖雲煥麝生香道人好護新松樹長
見清陰覆御牀

送人赴安慶幕僚

練高

舒州城在大江邊我昔過之曾繫船年豐米穀上街賤日落魚蝦入市鮮山起正當官署北潮來直到驛樓前知君此去紅蓮幕民訟無多但書眠

送張潛起之柳州

張紳

潯水環城擁翠來柳陰府署倚雲開唐祠侑食歌丹荔漢柱銘功篆綠苔日落雷塘龍霧合虹銷桂嶺颶風回南行無雁音書少別思綿綿不易裁

送雲南教授劉後畊

張紳

見說思陵過五溪熱雲蒸草瘴天低星聯南極窮朱鳥山抱中流界碧雞苜蓿照盤官况冷芭蕉夾道驛程迷巍巍堯德元無外未必文風阻遠黎

來鶴詩贈周玄初

戈鎬

香案靈文一篆通翩翩雲鶴下天風初辭蓬島離珠樹又掠銀河過蓋宮六翮舞隨清磬響九臯鳴斷碧雲空欲歸南嶽夫人召同

首仙臺夜月中

遊龍虎山

甘瑾

流水灣迴路百盤化人樓閣倚清寒枕中鴻寶長生錄屋外玄都太古壇金鼎有丹先試犬玉簫無曲不吹鸞麻姑未老秋霜鬢幾見扶桑海水乾

春日登高有懷

甘瑾

風景蒼茫大野陰懷鄉倦客此登臨十年魚雁將家遠三月鶯花濺淚深天落湖山雲水散地連閩粵瘴煙侵躬畊卻憶窮廬叟梁甫栖栖日莫吟

雨中書懷

甘瑾

南窗坐掩讀殘書落盡梨花雨點疏短夢或因中酒後輕寒已過禁煙餘芹香墮几初歸燕泉脈通池欲上魚搔首故人懷別久欲憑尺素問何如

次韻西園公咏梅二首

高啟

如何天與出塵姿不得芳名入楚辭春後春前曾獨採江南江北
每相思微雲淡月迷千樹流水空山見一枝擬折贈君供寂莫東
風無那欲殘時
雪中無伴只孤芳倚竹元非翠被妝馬上忽逢臨水驛鶴邊遙見
向山房春愁寂莫天應老夜色朦朧月亦香此地一尊聊自戀揚
州回首已淒涼

漫成

高啟

已分棲遲不自疑江邊林下儘幽期病惟好懶寧須藥心未忘機
偶對碁閑館雨聲花落夜深塘草色燕飛時春來頗喜囊中富添
得新成幾首詩

送梅侯赴錢塘

高啟

一鶴隨車到郡朝剩山殘水尙蕭條盃藏秋塚金方出箭插寒沙
鐵未銷重見花開非舊賞初聞麥秀是新謠幾時南作諸侯客釃
酒江亭看晚潮

齊雲樓

高啟

境臨煙樹萬家迷勢壓樓臺眾寺低斗柄正垂高棟北山形都聚
曲闌西半空曾落佳人唱千載猶傳醉守題劫火重經化平地野
鳥飛上女垣啼

靈巖寺

高啟

聞上香臺望下方漁邨樵塢盡蒼蒼傾城人遠苔生徑歸寺僧稀
葉滿廊雲散池邊留塔影雨來閣外失湖光廢興皆幻何須問獨
自吟詩送夕陽

送鄭都司赴大將軍行營

高啟

上公承詔出蓬萊立馬風煙萬里開賜履已分無棣遠舞戈還見
有苗來牙前部曲多收績幙下賓僚更倚才後夜軍門知子到郎
星應是近三台

送朱謝二博士進賀冬至表赴京師聽宣諭畢還吳

高啟

驛騎雙馳捧綠章都門逢舊喜洋洋小儒方幸瞻天近遠使初來
賀日長仗下丹墀晴雪盡朝回紫陌曉塵香承宣歸去難留駐乞
報平安到故鄉

歸失至楓橋

高啟

遙看城郭尚疑非不見青山舊塔微官秩加身應謬得鄉音到耳
是真歸夕陽寺掩啼烏在秋水橋空乳鴨飛寄語里閭休復羨錦
衣今已作荷衣

送徐山人還蜀山兼寄張靜居

高啟

我因解紱遠辭京君為脩琴暫入城偶爾相逢春酒熟飄然忽去
莫煙生山頭學嘯猶聞響世上留詩不寫名西礪煩詢張靜者年
來注易幾爻成

寄題內弟周思敬野人居

高啟

野人何處是幽棲聞在天隨舊宅西半屋圖書春落蠹一邨花柳
晝鳴雞分泉自汲烹茶水待雨惟畊種藥畦日莫扁舟欲相訪恐

驚鷗鳥過前溪

送何記室遊湖州

高啟

莫雨關城獨去遲少年心事劔相知故人當路輕貧賤倦客逢秋
惡別離疏柳一旗江上酒亂山孤棹道中詩水嬉散後湖亭廢此
去煩君弔牧之

梅花

高啟

瓊姿只合在瑤臺誰向江南處處栽雪滿山中高士卧月明林下
美人來寒依疏影蕭蕭竹春掩殘香漠漠苔自去何郎無好詠東
風愁寂幾回開
縞袂相逢半是仙平生水竹有深緣將疏尚密微經雨似暗還明
遠在煙薄暝山家松樹下嫩寒江店杏花前秦人若解當時種不
引漁郎入洞天
翠羽驚飛別樹頭冷香狼籍倩誰收騎驢客醉風吹帽放鶴人歸
雪滿舟澹月微雲皆是夢空山流水獨成愁幾看孤影低回處只

道花神夜出游

淡淡霜華濕粉痕誰施綃帳護香溫詩隨十里尋春路愁在三更
挂月邨飛去只憂雲作伴銷來肯信玉為魂一尊欲訪羅浮客落
葉空山正掩門
雲霧為屏雪作宮塵埃無路可能通春風未動枝先覺夜月初來
樹欲空翠袖佳人依竹下白衣宰相住山中寂寥此地君休怨回
首名園盡棘叢
斷魂只有月明知無限春愁在一枝不共人言惟獨笑忽疑君到
正相思歌殘別院燒燈夜妝罷深宮覽鏡時舊夢已隨流水遠山
窗聊復伴題詩

雨中寄劉沈二別駕

高啟

漠漠春寒水繞城誰家可作看花行一杯不得三人共二月都能
幾日晴夢逐鷺聲風外斷愁兼草色雨中生畫船載妓南湖上不
似年時放浪情

遊雲巖值雨

高啟

深殿幽廊映竹開鳥聲忽斷雨聲催蘚生偏上題詩壁花落還臨
說法臺林下聞鐘諸客散欄邊汲水一僧來晚晴更好看山色西
閣憑闌獨未迴

春日遊東苑應制

林鴻

長樂鐘鳴玉殿開千官步輦出蓬萊已教旭日催龍馭更借春流
泛羽杯堤柳欲眠鴛喚起宮花乍落鳥銜來宸遊好續簫韶奏京
國於今有鳳臺

題中天樓觀圖

林鴻

海上仙山接混茫仙居遠在白雲鄉樓當太乙星辰近樹拂句陳
雨露香絳節馭風來阿母玉簫吹月醉周王可憐八駿歸來晚蕭
颯蛾眉兩鬢霜

九日登絳月蘭若憶鄭二宣

林鴻

微霜初下越王城衰病逢秋也自輕九日登臨多縱醉百年感慨

獨鍾情斷蟬野寺黃花晚遠樹江天白雁晴卻憶浮邱炎海上嬾
題詩句寄同聲

寄周一秀才玄兼呈陳八處士炫

林鴻

薛老峯前夜詠詩若爲離別思淒其忝於詞客推前輩久約林僧
恐後期澤國未霜楓落早山城上月鳥歸遲自慙淺薄非徐穉賴
有陳蕃是故知

秋夜浦舍人見宿園亭分得天字

林鴻

南宮飲散動經年此會羈魂各黯然霄漢故人誰更在江潭逐客
自堪憐疏燈細雨開秋宴落葉驚風攪夜眠歸去晉陵成遠別好
憑陽雁望南天

送人之荆門

浦源

長江風颺布帆輕西入荆門感客情三國已亡遺舊壘幾家猶在
住荒城雲邊路遠巴山色樹裏河流漢水聲若過旗亭多買醉不
須弔古漫題名

送賈文學入京

浦源

春城送別已斜陽花發官亭酒正香遠騎青山江上路新鶯細柳
禁中牆疏星北闕趨朝早澹月南宮聽漏長誰謂賈生年最少獨
能陳策輔君王

寄楊先歸穎上

浦源

荒城此日其悽然我欲南征子北遷秋雨黃蘆思穎水夕陽紅稻
憶吳田蕭條客舍蟲聲裏迢遞鄉書雁影邊安得重逢一攜手別
離同話酒尊前

無題擬李商隱

袁華

玉樹參差障羽幢舊愁如水漫春江葳蕤鑲合收銀鑰窈窕樓空
閉綺窗擘鳳橫釵終作對舞鸞窺鏡始成雙繡屏倦倚看紅豆滿
眼相思意未降

環珮珊珊下漢臯瑤樓風度鬱輪袍琴心寄調傳孤鳳華意留情
屬小桃金粟柱移箏上雁玉蓮栝舉掌中醪乘鸞一去無消息腸

斷神仙夢寂勞

燕語銅樓淑景移鏡臺香冷玉蟠螭書傳王母三青鳥針度天孫
五綵絲江浦見蓮須覓藕石杵尋子未圍碁獨憐鸚武知人意故
傍銀箏索荔枝
裙曳湘羅動麴塵雀叉小佩玉麒麟紫簫偷按雲中曲彩筆慵傳
鏡裏真蝶粉膩花金作縷雁沙回雪翠為茵若蘭錦字多華麗未
減風流賦洛神

江上

孫賈

江上青楓初著花客帆和月宿蒹葭平疇疏雨數千點臨水小邨
三四家風起漁船依釣石潮回雁陣認寒沙秋懷已向南雲盡又
是滄洲閱歲華

贈鶴林周立初尊師

孫賈

物外逍遙月鼎翁先生早歲得相從榴皮畫壁成黃鶴竹葉書符
化綠龍天女時聞蒼水佩世人空拜蕊珠峯神遊倘遂煙霞約便

解朝衣問赤松

午日呈鄭久誠參政

王佐

百頃芙蓉罨畫船賀家湖上水平天金盤送果沈冰碗羅扇題詩
散舞筵往事氛埃成遠夢佳辰風雨憶華年澗蒲九節根如玉服
食於今笑學仙

城南草堂與顧仲瑛夜話

郭翼

花發草堂風雨春青燈翦韭話情親亂離隔世今何夕生死論交
竟幾人城郭是非華表鶴蓬萊清淺海中塵三千賓客馮驩在莫
怪悲歌撫劍頻

明文在卷十三

明文在卷十四目錄

律詩

沈 周十二首

王 鏊二首

祝允明二首

劉 英三首

李夢陽一首

王九思一首

李 濂一首

高 穀一首

王 章一首

張 紘四首

張 含一首

朱曰藩三首

吳 寬五首

唐 寅二首

文徵明八首

徐禎卿一首

康 海一首

黃省曾一首

孫一元一首

朱應登一首

王 磐一首

楊 慎一首

黃 衷一首

金 鑾一首

許穀一首

王穉登十四首

程本立一首

周啟一首

顧璘五首

唐之漳一首

李夢龍一首
李夢龍一首
李夢龍一首
李夢龍一首
李夢龍一首
李夢龍一首
李夢龍一首
李夢龍一首
李夢龍一首
李夢龍一首

王穉登一首
王穉登一首
王穉登一首
王穉登一首
王穉登一首
王穉登一首
王穉登一首
王穉登一首
王穉登一首
王穉登一首

明文在卷十四

律詩

睡起自遣

沈周

檐前落葉擁高秋，謬使人推隱者流。背有微暄念天子，手無漫刺瀆諸侯。老知絲竹殊堪賴，遠為兒孫未免憂。身後算應憂未了，且來拂壁畫丹邱。

送門神

沈周

抱關顛顛兩疲兵，眾欲磨之我漫榮。簡爾功名惟故紙，傷誰門戶有長情。戟悲雨迹銷殘畫，釜賴蟲絲戀絕纓。莫向新郎訴恩怨，明年今夜自分明。

病中夜雨起坐

沈周

藥杯香炷與温存，養病工夫要閉門。布被擁寒書作枕，紙窗催曙

水臨軒楓生赧色因霜辱蕉負爭心共雨喧物性人情靜觀得得
來還欲費吾言

拂水巖

沈周

只有看山是勝緣青鞋布襪且輕便天收雨脚賒今日我趁花時
遣老年絕壁雲扶將墮石豁崖風勒下奔泉此來不憤空歸去旋
構新篇揀竹鐫

秋暑夜坐

沈周

星河垂地夜闌珊坐久幽懷百事關畏老欲逃如鏡裏苦塵難脫
限人間一亭多竹還妨月二水宜家又欠山世好茫茫誰是足祇
餘心迹自高閒

生朝自遣

沈周

門前客到鶴先鳴洒掃茆堂作送迎座舉龍鍾先有我鄉尋儕輩
更無兄明年七十將來壽今日三杯見在生一幅布巾藤作杖倩
誰林下畫閑行

詠錢

沈周

匾匾團團銅作胎能貧能富亦神哉有堪使鬼原非謬無任呼兒
亦不來總爾苞苴莫漫臭終然撲滿要遭槌寒儒也辦生涯地四
壁春苔綠萬枚

落花

沈周

玉勒銀罌已倦游東飛西落使人愁急攬春去先辭樹懶被風扶
強上樓魚沫煦恩殘粉在蛛絲牽愛小紅留色香久在沈迷界懺
悔誰能倩比邱

一園桃李只須臾白白朱朱徹樹無亭怪草玄加舊白窗嫌點易
亂新朱無方飄泊關游子如此衰殘類老夫來歲重開還自好小
篇聊復記榮枯

陣陣紛飛看不真霎時芳樹減精神黃金莫鑄長生蒂紅淚空啼
短命春草上苟存流寓迹陌頭終化冶游塵大家準備明年酒慚
愧重看是老人

似雨紛然落處晴
飄紅泊紫莫聊生
美人天遠無家別
逐客春深盡族行
去是何因趁忙蝶
問難爲說假啼鶯
悶思遣撥容酣枕
短夢茫茫又不明
芳華別我漫匆匆
已信難留留亦空
萬物死生寧離土
一場恩怨本同風
株連曉樹成愁綠
波及煙江有倖紅
漠漠香魂無點斷
數聲啼鳥夕陽中

悼沈攸樵畫史

吳寬

秣陵春色厭驅馳
投老吳門白髮垂
燈下解衣盤礴處
山中持斧嘯歌時
一貧比憲原非病
三絕如虔不數癡
落日高堂開障子
雲峯煙樹使人悲

題楊鐵崖墓銘後

吳寬

泰定年間名進士
會稽山下老徵君
金陵不看三秋月
玄圃長嘯五色雲
對客呼兒將鐵笛
從人笑我醉紅裙
風流盡付吳淞水
還繞劉伶四尺墳

送張兼素出知施宗州

吳寬

歲莫移家赴遠州
南行誰復爲身謀
一章之死無他悔
六詔平生亦勝游
科甲翻令吾輩重
史編應向古人求
都門持此聊相贈
不惜寒風透敝裘

次韻任太常致仕留別

吳寬

此身真喜置吾廬
尙有牀頭一束書
海口潮生知進退
天心月到識盈虛
已辭朝士還通訊
欲就漁翁更卜居
百里好山俱在眼
只教童子導籃輿

謝顧良弼李世賢攜酒過訪

吳寬

初伏將臨日正長
肩輿同約到茅堂
遠林忽辱來公子
小圃翻能致辟疆
花下扶筇臨亂石
藤陰移席避斜陽
幽居無物相延款
綠樹成行晚更涼

遼城懷古

王鏊

小橋漣漣空流水
往事悠悠祇斷垣
冠蓋六州皆石晉
河山百戰

又金源黍離不盡行人恨木葉空歸杜宇魂千古登臨成一慨幽
燕今日是中原

送趙栗夫歸省吳江

王鏊

秋入吳江一葉飛歸來游子著朝衣鄉人始識文章貴仕路休嫌
定省稀寶帶橋邊舟汎汎白雲司裏樹依依路經震澤人應問太
史周南胡不歸

漫興

唐寅

此生甘分老吳閩萬卷圖書一草堂秋榜才名標第一春風絃管
醉干場跣趺說法蒲團軟鞋襪尋芳杏酪香只此便爲吾事了孔
明何必起南陽
一身顛顛挂衣襟半壁藤牀倚樹林去日苦多休檢歷知音諒少
莫脩琴平康驢背馱殘醉穀雨花闌費朗吟老向酒杯碁局畔此
生甘分不甘心

顧明府榮夫

祝允明

雞山燕市每依依此日都拋入浴衣家近鬱林公舊隱門如彭澤
令初歸空憐舊社惟君密卻笑無車訪我稀最愛滄浪池水好幾
時同坐一方磯

閑居秋日

祝允明

逃暑因能整閉關不須多把古賢攀并拋杯勺方爲懶少事篇章
未礙閑風墮一庭鄰寺葉雲開半面隔城山浮生只說潛居易隱
比求名事更艱

夏日飲以可池亭

文徵明

筆牀書卷繞壺觴到此欣然百事忘自笑頻來非俗客只愁難卻
是清忙池塘聽雨煩心淨軒檻迎風醉面涼綠樹繚垣啼鳥寂更
從何處覓江鄉

與次明宿崑山舟中

文徵明

寒山突兀背孤城野寺荒譙亂殺更別港潮生舟暗動遠汀煙定
火微明雞聲風雨還家夢春水江湖對榻情邂逅他鄉是知己此

心端合向誰傾

予每至陳氏輒終日淹留廳事高明頗妨偃息以可為治小室於西偏問名於予為題曰假息庵其成也以詩落之

文徵明

翦棘依垣小築居短檐橫啟紙窗虛造門已慣非綠竹據案相忘況有書徐孺每勞懸木榻陶潛何必愛吾廬從今更不論賓主一半幽閒已屬予

郭西閑泛

文徵明

雨足新蒲長碧芽野塘十里抱邨斜青春語燕窺游舫白日流雲漾淺沙湖上脩眉遠山色風前薄面小桃花老翁負笈歸何處深樹雞鳴有隱家

月夜登閭門西虹橋

文徵明

白霧漫空去渺然西虹橋上月初圓帶城燈火千家市極目帆檣萬里船人語不分塵似海夜寒初重水生煙平生無限登臨興都

落風欄露楯前

宿相城有懷石田先生

文徵明

何處重占處士星草堂突兀夜燈明風流已與人都盡手澤空憐物有情依舊短牆圍野色那堪高樹起秋聲傷心未了生前約漁子沙頭一棹橫

賦得野亭秋興

文徵明

斷雲狼籍近簾櫳天地蕭條四壁空盡日倚闌黃葉雨一番吹鬢白蘋風年光搔首孤鴻外山色供愁落照中欲寄閑愁無那遠煙波江上採芙蓉

遊西苑

文徵明

宛轉瀛洲帶幔坡螭蜃玉竦壓銀河廣寒遙見空中樹太液微生雨後波雲捲紅妝千步障風吹璫蓋萬年柯太平見說宸遊簡馳道青青長薜蘿

上元十三夜

劉英

近喜元宵雪更晴千門翠竹結高棚珠簾半捲將團月玉指初調
未合笙新放花燈連九陌舊傳金鑰啟重城少年結伴嬉遊去遮
莫雞聲下五更

十四夜

劉英

燈光漸比夜來饒入海魚龍混暮潮月照梅花青瑣闥煙籠楊柳
赤闌橋鈿車過去拋珠果寶騎重來聽玉簫共約更深歸及早大
家明日看通宵

十五夜

劉英

一派春深送管絃九衢燈燭上薰天風回鰲背星毬亂雲散魚鱗
璧月圓逐陣馬翻塵似海踏歌人盼夜如年歸遲不屬金吾禁爭
覓遺簪與墜鈿

文章煙月

徐禎卿

風霜獨卧閒中病時節偏催壑口蛇籬下落英秋半菊燈前新夢
鬢雙華文章江左家家玉煙月揚州樹樹花會待此心銷滅盡好

持齋鉢禮毗耶

九日南陵送橙菊

李夢陽

朱門美菊采先芳玉圃新橙摘早霜傳送滿盤眞鬪色分看隨手
各矜香深憐便合移尊酌暫貯應須得蟹嘗獨醉秋堂卧風物一
年晴雨任重陽

涇西邨見野老邀食

康海

野老支筇笑謂予桃花飛處卽吾廬正思漉酒呼邨婦可甞偷閒
駐小車指點杯盤無別饌坐談筐篋有農書雙顴豁磊衣衫古爾
雅安閑我不如

亳州

王九思

出門二月已三月騎馬陳州來亳州暮雨桃花此客館春風燕子
誰家樓簿書堆案不相放郡守下堂仍苦留浮名羈絆有如此媿
爾沙邊雙白鷗

虎邱詠

黃省曾

芙蓉近倚闔閭城
眺閣觴樓逐勢成
珠寺翻爲歌舞地
青山盡是綺羅情
巖花吐學紅妝麗
谷鳥啼兼鳳管聲
千里垂楊芳草岸
四時常映彩舟行

送王都闈之廣西

李濂

帝簡鄖襄節制雄
嶺南專闈氣如虹
瑠弓玉斧皆廷賜
燕領虬髯有父風
桂水瘴消飛檄外
梧山氛淨凱歌中
麒麟峻閣雲霄待
早樹平蠻第一功

衡門

孫一元

投老衡門不用名
閒雲時伴一身輕
牀頭酒盡春剛去
座上山青詩又成
淺水短蒲蛙閣閣
澹煙脩竹月盈盈
憑誰爲問天隨子
藥草新生較幾莖

岳陽樓

高澂

巴陵城上岳陽樓
樓外長江日夜流
殘雨數峯衡岳曉
暮雲孤樹洞庭秋
仙人夜奏沙邊笛
估客春移樹杪舟
十二危闌閒極目
滿

汀楊柳不勝愁

將從衢州陸行至常山

朱應登

江鄉二月欠芳菲
白霧黃雲慘不開
石碓自春知水長
布帆初飽覺風來
旗亭喚客春嘗酒
驛路懷人曉見梅
世味已諳灘百折
山行明日又千迴

和翟仲鳴

王韋

翛然一榻愧端居
未許駑駘駕鼓車
勝事都歸鄉夢裏
幽懷更在客愁餘
別離門戶從秋掩
契闊尊壘盡日虛
寄語多情翟廷尉
莫將交態向人書

元宵漫興

王磐

天風吹散赤城霞
散落人間作九華
夾路星毬留去馬
燒空火樹亂歸鴉
笙歌醉月家家酒
簾幙窺春處處花
一派雲韶天外迴
不知仙馭過誰家

香奩詩

張縉

明文在卷十四
七
翡翠籠深燭影昏當時一見已銷魂歌殘玉宇雲千葉醉損珠簾
月一痕欲說說竟成閒撚袖偷看多是半銜尊而今惜蕊憐花意只
有垂楊半倚門
飛絮游絲舞作團小樓春事又闌珊錦鱗青羽書難覓寶唾珠啼
跡未乾蛺蝶芳魂花裏瘦蟾蜍清影月邊寒嗟子苦乏如臯技莫
怪蛾眉一笑難

詠行

張縉

紈扇輕裾到處宜煥風搖曳細胷肢相逢綺陌回眸處瞥見雕闌
轉角時零亂珮環來冉冉飄搖羅帶去遲遲東昏未識凌波趣枉
著金蓮步步隨

詠芭蕉

張縉

長葉翩翻綠玉叢植來況是近梧桐美人閒立秋風裏羈客孤眠
夜雨中情逐舞鸞偏易感事隨夢鹿渺難窮太湖石畔新涼院何
處吹簫月滿空

詠柳

楊慎

垂楊垂柳管芳年飛絮飛花媚遠天金距鬪雞寒食後玉蛾翻雪
煥風前別離江上還河上拋擲橋邊與路邊游子魂銷青塞月美
人腸斷翠樓煙

寄升庵

張含

東觀聲名北斗齊鳳皇踪跡戍雕題八千里外潮陽馬十九年來
海上羝銅柱蒹葭鴻雁響鐵城煙雨鷓鴣嘯連宵數有懷人夢蕭
索江干庾子隄

春思和峯湖

黃衷

爲戰酣春止酒難雲林懸媿竹皮冠鳩緣報雨勤相聒風欲開
澹不寒月俸贏錢炊桂子夜堂燒燭借梅看枕屏莫卜勞勞夢我
是空門古懶殘

臨春曲

朱曰藩

閣上張星舊在天閣中璧月夜仍圓雲歛宿鬢初臨鏡風研乾紅

未裝箋兩臂舞釵金阿那一聲歌樹玉嬋娟君王萬歲歡無極肯
信江花易夕煙

寒食

朱曰藩

水滿春湖花滿城況逢寒食雨初晴花深不礙鞦韆出水闊從教
舴艋行午憩旗亭分杏酪夜歸餉市有簫聲多情一樹山梨白小
立柴門待月明

春日朱少府徐公子見訪未暇展待聞別有佳約詩以荅之

金鑾

遠承華蓋及衡門日午相攜到日昏白髮自應忘縣長青袍誰復
識王孫更因夜月留何處忍對春風負此尊傳道城南賸佳麗小
詞翻出寄桃根

贈內

許穀

結褵獨記少年時轉眼今看白髮齊老去真成鹿門侶醉來曾笑
太常妻碁裁紙局閑頻畫艇泛魚波晚共攜卻怪燈前詢割肉不

知名姓隔金閨

無題

王穉登

一朵千金泣露斜簾櫳難護幕難遮吳王城上同看月伍相江邊
獨浣紗楊柳名為離別樹芙蓉號作斷腸花舊時鄰舍俱新主莫
辨東隣是宋家
自從抱瑟入朱門新寵安能易舊恩明裏開顏暗流淚面前行樂
背銷魂梅花見說渾無色鸚鵡傳來不肯言知在闌干第幾曲青
天何處覓崑崙

荅袁相公問病

王穉登

斜風斜雨竹房寒雲裏蓬萊枕上看愁過一春容鬢改吟成五字
帶圍寬書生薄命元同妾宰相憐才不論官泣向青天懷烈士古
來惟有報恩難

舟中與建初話舊

王穉登

十載行藏半未齊聞君論舊益淒淒汗從何晏朱衣拭書覓羊欣

白練題歌是竹枝容易和淚成珠子不輕啼千將已是徐君劔明日扁舟下剡溪

碧雲寺泉上酌酒與朱十六

王穉登

雲中流下不勝清石瀨濺濺只自平宛轉浮杯人不醉潺湲到枕夢難成分廚已足千僧汲出寺能為十里聲同是黃塵騎馬客與君相對濯冠纓

袁相國故居訪李孝甫太僕

王穉登

魚文匕首不離身馬踏長安市裏塵重過楊家舊亭子深悲侯氏老門人朱闌易主花無色青眼逢君酒可親同是中郎琴畔客一般顛顛各沾巾

正月十六夜長安步月簡朱少傅

王穉登

少年場上立黃昏一片歸心不可言月到今宵微有魄人從何處正滴魂桃花騎出胡名馬竹葉攜來魯上尊只隔一重燈影裏布衣那敢扣朱門

溪上步月簡秦方伯胡侍御

王穉登

如海侯門路不通溪流寂寂霧濛濛誰家客許花間入何處尊能月下空敲散彩雲鐘隔水吹殘玉漏笛臨風南樓酒伴東山侶半憶庾公半謝公

贈袁七秘書志乘起居相國夫人

王穉登

手持封事上明光蹙捧潘輿侍北堂黃閣夫人稱孟母紫薇仙吏識田郎葡萄好釀尊中綠萱草能消鏡裏霜路隔雲階難入拜獨憐身賤愧張蒼

乙未人日對雪簡沈從先

王穉登

春陰寂寂最堪憐人日登樓雪皎然不肯共消惟白髮且留相映有青檀桃花玉勒看山騎蘭葉銀箏載酒船笑殺洛陽袁處士閉門終日只高眠

中秋日送錢象先游豫章

王穉登

西風征雁不堪聞病裏題詩忍送君月與離尊今夜滿秋將行色

一時分匡廬木落山如黛彭蠡霜寒水似雲公子西園賓客盛好
陪飛蓋共論文

寄張心湛天師

王穉登

青鳥音書久寂寥霓旌去入鳳城遙身披一品麟衣坐手捧三公
象簡朝長樂花深容曳履未央月出許吹簫不須更上蓬萊頌清
靜無爲祝帝堯

林純卿卜居西湖

王穉登

藏書湖上屋三間松映軒窗竹映關引鶴過橋看雪去送僧歸寺
帶雲還輕紅荔子家千里疏影梅花水一灣和靖高風今已遠後
人猶得住孤山

雪中梅花

王穉登

二月春光雪尚飄看梅獨坐思無聊銀花亂綴難分夢玉樹交加
莫辨條粉似傳來容易褪香偏留卻不同消一般飛入妝臺裏獨
讓殘英點額嬌

和貝惟學登小孤山韻

程本立

西來風浪湧金山人在鴻濛沆瀣間大地小孤天柱石長江第一
海門關鮫人夜泣珠成淚龍女晴梳翠作鬟欲問靈巫報神語我
行何日定東還

秣陵懷古

周啟

酣酒狂歌思欲飄久從江國駐蘭橈芙蓉隔浦聽秋雨楊柳長亭
看晚潮過客有時來問字美人何處覓吹簫題詩欲寫殷勤意搔
首西風雁影遙

擬宮怨

顧璘

紫殿繁華夢已沈掖庭苔色晚陰浮雲變態隨君意朗月流輝
鑿妾心屈戌橫門金鎖冷轆轤牽井玉瓶深空將錦瑟傳哀怨寂
莫誰聽空外音

漢皇宮殿月明時曾侍宸遊百子池舞馬登牀春進酒盤龍銜燭
夜觀棊御前卻輦言無忌眾裏當熊死不辭舊思飄零同落葉春

風空遶萬年枝

不見彤墀日月旂庭隅草木掩清輝金輿到處無新故玉貌從來
有是非莫雨樓臺雙燕入春寒池館百花稀監宮一去無人語獨
自含顰詠綠衣

寄許州七弟璉

顧璉

千官扈從羨能文謫牧新聲天下聞落魄吾家蘇季子風流南郡
小馮君魚龍路怯黃河險鴻雁聲愁碧海分莫上吹臺瞻越嶠五
湖回首隔重雲

游邱常侍山園

顧璉

采芝深谷賦歸休幸有隣莊水竹幽畫障日開山九疊素封秋倚
橘千頭長懸片月延僧住滿放閑雲伴客游桐葉已齊春去久翻
階紅藥為誰留

長安留題

唐之漳

曉閣疎鐘午店雞客途風物賸堪題葡萄引蔓青緣屋苜蓿垂花

紫滿畦雁塔雨痕迷鳥篆龍池柳色送鶯啼前朝冠蓋多黃土翁
仲淒涼石馬嘶

明文在卷十四

明文在卷十四

三

明文在卷十五目錄

律詩

方孝孺一首
汪廣洋四首
張以寧一首
劉崧一首
劉長渙一首
管訥一首
偶桓一首
張籌一首
練子寧一首
俞貞木一首
楊基一首
劉基一首

張羽三首
危素一首
詹同一首
唐仲實一首
葉子奇五首
王履一首
張適一首
孫蕢四首
程本立二首
龔詡一首
袁凱二首
高啟十六首

明文在卷十五目錄

一

邵珪一首
王弼二首
劉英一首
王穉登二首

陳憲章一首
史鑑二首
唐寅一首

明文在卷十五

律詩

談詩

前宋文章配兩周盛時詩律亦無儔今人未識崑崙派卻笑黃河是濁流

方孝孺

暮過西疇

張羽

白水泱泱遠壤堤隔林遙聽夕陽雞閑行每到東邊少為有青山在屋西

梅雪軒

張羽

山如東郭先生里屋似西湖處士家為問軒中清白吏還應比雪比梅花

雨後慰池上芙蓉

張羽

池上新晴偶獨過芙蓉寂莫照寒波相看莫厭秋情薄若在春風怨更多

蘇溪亭

汪廣洋

蘇溪亭上草漫漫誰倚東風十二闌燕子不歸春事晚一江煙雨杏花寒

題宋徽宗雙鴛圖

汪廣洋

蘆葉青青水滿塘文鴛晴卧落花香不因羌管驚飛起三十六宮春夢長

毗陵道中

汪廣洋

凍合官橋雪作泥落殘楓葉見梅花短籬破屋臨流水狼藉毗陵賣酒家

夜泊揚子橋

汪廣洋

揚子橋頭夜泊船水波纔定月初圓不眠細數經行日笑隔東風又一年

題趙子昂竹石

危素

叢篁偏映寒雲色古石猶凝碧蘚痕曾是碧瀾堂上月獨臨茗水照王孫

過崇安宿赤石水澀不下舟

張以寧

兩岸青山下建溪筍輿軋軋坐雞棲人間最是吳兒樂一枕清風過浙西

題水殿納涼圖

詹同

湖上闌干百尺臺臺邊水殿倚雲開紅橋人隔荷花語玉盃金盤進雪來

春晝

劉崧

池南溪柳燕將雛門巷新晴轉綠蕪花隔小窗人不到一簾香霧鬪樛蒲

遣懷

唐仲實

繁昌縣前白楊樹隨處柴門傍水開可是夜深風露冷流螢一個

度江來

清明前一日作

劉長渙

小窗新綠著枝輕寒逐東風陣陣生燕子不來花落盡一簾疏雨

又清明

葉子奇

功名貴富兩亡羊且盡生前酒一觴多種好花三百本短籬風雨

四時香

葉子奇

蒼石紅泉少隱家牽牛延蔓遶籬笆不知滿徑秋多少涼露西風

澹泊花

葉子奇

題張原琛蓬窗
銀絲魚鱸碧芹羹曾記扁舟越上行今日小軒風味似滿川風雨

看雲生

葉子奇

朝日開衙暮散衙略無一刻及春華偶過縣舍坡陀外隨分春風

領菜花

葉子奇

徑草微微護淺沙小山叢竹玉清家牽牛延蔓無多碧點綴秋光

一兩花

葉子奇

紀夢
小宴初闌罷玉笙東風庭院好春情流鶯啼過樓東去一樹梨花

正晚晴

管訥

予從華山回王橘洲以鵝酒見餉兼問所得詩以酬之
我自登山看白雲鵝羣何事特相分此襟不許肥羶污明日清茶

說與聞

王履

懷友次陳石泉韻
楓林葉赤露華濃來往晴沙一逕通遙望美人秋水隔蘋花吹老

楚江風

題宮人汲井圖

張適

燕子歸時風滿林碧梧月上思沈沈
轆轤聲轉銀牀滑望斷君恩似井深

題美人春睡圖

張壽

春睡纔醒粉褪腮香塵不動下階來
畫闌曾倚東風笑向晚櫻桃一半開

閨思

孫蕢

夜漏沈沈似歲長小鬟貪睡懶添香
春風莫撼流蘇帳待妾分明夢一場

晚思沈沈倦倚闌玉簫聲歇酒闌珊
澹雲還掩初生月誰護梨花作夜寒

涼夜簫聲處處過玉樓高起逼天河
西風瘦盡梧桐葉添得西窗月影多

訪某駙馬不遇題壁

孫蕢

青春駙馬不還家公主傳宣坐賜茶
十二曲闌春似海隔窗聞殺碧桃花

秋日作

練子寧

水精簾動桂花風湘簟涼生八月中
魄落西窗銀燭裏烏絲雪鬢寄秋鴻

揚州

程本立

遠水疏星影動搖西風落木景蕭條
傷心一片船頭月猶照揚州廿四橋

題梨花錦鳩圖

程本立

萬花深處語黃鸝花底能無挾彈兒
自在兩鳩春寂寂一枝晴雪立多時

題趙仲穆畫馬

俞貞木

房星方墮墨池中飛出蒲梢八尺龍
想像開元張太僕朝回騎過

午門東

自題晚歸圖

龔詡

紅樹離離映夕暉
水天空闊雁高飛
扁舟一箇輕如葉
常載先生半醉歸

鯉魚山阻風天甚寒
雨皆成霰

楊基

江南天氣大無憑
草色煙光煥欲蒸
向晚鯉魚風乍急
盡吹小雨作春冰

題吳王納涼圖

袁凱

微月斜侵響屨廊
芙蓉清氣滿金塘
鴛鴦只傍闌干宿
也愛君王水殿涼

題吳宮衰柳圖

袁凱

遠岸依依落日明
吳王醉處少人行
多情獨有垂楊樹
猶送深宮夜雨聲

秋日卽事

劉基

垂垂密雨簾脩楊
點點青苔繪短牆
不是雁聲天畔過
爭知今日是重陽

晏嬰

高啟

一裘身著久經年
祿米分炊幾戶煙
盡說大夫能養士
卻於尼叟惜封田

儀秦

高啟

二子全操七國權
朝談縱合暮衡連
天如早爲生民計
各與城南二頃田

魏宮

高啟

翡翠明珠入貢頻
承恩長占鄴宮春
至尊莫信陳王賦
那得人間有洛神

晉宮

高啟

盡日南風永巷開
羊車去後玉階苔
誰知天上無人地
亦有城南小史來

金進士宿江館阻雨連夕

高啟

莫辭同宿掩書幃
兵後蕭條故舊稀
預恐明朝風雨歇
滿江春水送君歸

雨中曉卧

高啟

井桁烏啼破曙煙
輕寒薄被落花天
人晴日猶無事
風雨今朝正合眠

香斷牀幃冷未開
雨窗寥落滿櫺苔
休輕一枕江邊睡
拋卻腰金換得來

過北莊訪友

高啟

淺水平沙凍鴨眠
秋聲如過石橋邊
尋君兼得尋詩興
野樹江雲欲雪天

將赴金陵始出閶門夜泊

高啟

烏啼霜月夜寥寥
回首離城尚未遙
正是思家起頭夜
遠鐘孤棹宿楓橋

正月十六日夜至京師觀燈

高啟

天街爭唱落梅歌
絳闕珠燈萬樹羅
莫笑遊人來看晚
春風還似昨宵多

客中憶二女

高啟

每憶門前兩候歸
客中長夜夢魂飛
料應此際猶依母
燈下看縫寄我衣

雨中過山

高啟

春雲晦靄澗奔渾
風雨行人過一邨
不似家山深竹裏
乳鳩啼午未開門

讀韋蘇州詩

高啟

掃閣焚香畫卷帷
綠槐疏雨夏初時
客憂何物能消遣
一帙蘇州刺史詩

背面美人圖

高啟

欲呼回首不知名
背立東風幾許情
莫道畫師元不見
傾城雖見

畫難成

秋夜同周著作宿婁浦

高啟

小解寒依竹浦雲酒闌相對說離羣一聲新雁誰先聽今夜江南我共君

回文

高啟

風簾一燭對殘花薄霧寒籠翠袖紗空院別愁驚破夢東闌井樹夜啼鴉

胡冬官梅花圖

邵珪

江南江北霏霏雨漁榜漁罾短短籬斜出一枝青鳥外東風掩映水仙祠

宿雲卧軒

陳憲章

世間何喜復何悲風雨蕭蕭過短籬小睡正酣童子問公今是夢是醒時

不妨到處與人羣借宿山齋酒半醺我得五龍傳睡法枕痕猶帶

華山雲

次韻陰僉憲夢游桃源

王弼

盡說仙源隔片塵誰知枕上是通津武陵太守無仙骨只見桃花不見人

次韻匏庵先生其月庵賞桃花

王弼

斜月枝頭照返魂先生扶醉倚籬門花應欲識蒼然面莫遣風前絳燭昏

子昂蘭

史鑑

國香零落佩纒空芳草青青合故宮誰道有人和淚寫託根無地怨東風

寄吳鳴翰湖上

史鑑

紅塵不到三山遠家住蓬壺鏡裏天隔浦落花雙屐雨過門流水一溪煙

載酒過湖

劉英

寒食清明次第來紫苞紅萼裏池臺東風似與人商量最好花教
最後開

馬

唐寅

草輒沙平桃李開春風先到李陵臺雪中一陣烏鴉起知是胡雛
打獵來

王德操被盜暗以二絕

王穉登

月黑邨空夜半時操戈暴客苦相追也知不但因胙篋欲乞蕭蕭
莫雨詩

窗外梅花惱客眠偷兒橫索債春錢王家舊物休將去留取青青
一片氊

明文在卷十五

明文在卷十六目錄

律詩

沈周一首

徐禎卿三首

陳蒙一首

祝允明一首

李東陽一首

張泰一首

王誥一首

薛蕙一首

孫一元一首

程元輔一首

汪本三首

余育一首

蔣山卿一首

楊慎一首

蘭廷瑞一首

胡侍一首

明文在卷十六

常熟薛熙纂
吳縣王武訂

律詩

七月十五日舟中晚歸

沈周

晚郭歸舟急若何市塵猶恐累漁蓑到家覺得曾風雨兩樹芭蕉
破葉多

偶見

徐禎卿

深山曲路見桃花馬上匆匆日欲斜可奈玉鞭留不住又銜春恨
到天涯

小小亭臺曲曲闌支頤獨倚悄無言楊花飛處春衫薄風信今朝
第幾番

繡罷還呼姊妹看午風晴日滿闌干花間打散雙蝴蝶飛過牆東
又作團

題石田翁贈朱守拙小景

陳蒙

野藤刺水竹籬斜落盡東風枳壳花日午不聞茶臼響春城買藥未還家

憶神妃

祝允明

不見瑤姬八載遙依稀聞說返丹霄靈雲秀雨今何在留與人間做寂寥

黃鶯

李東陽

柳花如雪滿春城始聽東風第一聲夢裏江南舊時路隔溪煙雨未分明

舟中莫歸

張泰

斷柳殘沙不掩堤葦叢幽稱水禽棲半江斜照將秋色相送歸船到竹溪

有贈

王誥

幾度尊前惱使君錦宮花色艷綃裙平生入眼誰堪比十二峯頭

一片雲

宮詞

薛蕙

禁圍處處鎖名花步障層層簇絳紗斟酌君恩似春色牡丹枝上獨繁華

夜泊闔閩城

孫一元

欲行未行風力柔吳門挂席夜正幽秋水半汀鷗共我好山兩岸月隨舟

館邸紀事

程元輔

柴門一月南京雨斗帳半牀西晉書藜杖日晴初出戶園林落木已蕭疏

客歸

汪本

十年辛苦厭塵沙祇見秋風不見家今日歸來籬落下肯將醒眼對黃花

夜宿蘆潭

汪本

石尤風動駐征帆千里孤光月正南翹首故林天一角水禽相伴
宿蘆潭

舟中有成

汪本

故鄉南望渺無涯水面雲深日又斜欲問浮生何所似試來風處
看楊花

貧女吟

奈育

舊絲織盡復新絲辛苦終朝不下機祇恐與時花樣別不堪裁作
嫁人衣

從軍行

蔣山卿

雲嶺愁雲凍不飛黃沙白草路人稀邊城春色惟看柳看到青時
春已歸

征人早行圖

楊慎

杜鵑花下杜鵑啼烏臼樹頭烏臼棲不待鳴雞度關去夢中征馬
尚聞嘶

枕上口占

蘭廷瑞

枕上詩成喜不勝起尋筆硯旋呼燈膽瓶滴取梅花水已被霜風
凍作冰

秋興呈華泉翁

胡侍

池頭一雨送新涼小坐茆亭月近牀和得竹枝三百首西風無雁
寄瀟湘

明文在卷十七

常熟薛熙纂
同里凌浩訂

律詩

自題詩本

幼小工刺繡極知鍼綫難祇緣花樣古不耐入時看

江績

陽春曲

柳色青堪把櫻花雪未乾宮中裁白紵猶怯剪刀寒

郭翼

汴隄樂

已信隄名汴誰教柳姓楊龍舟行樂地不得復歸唐

郭翼

湘弦曲

竹啼非染露山眩乃疑雲靈瑟傳神語休令帝子聞

郭翼

題倪元鎮畫

斷靄生春樹微茫隔遠汀梁溪新月上照見惠山青

鄒韶

倪雲林畫

許觀

雲開見山高木落知風勁亭下不逢人斜陽淡秋影

自君之出矣

黃哲

自君之出矣無處託鱗音思君如畫燭淚盡不明心

夜發清江口

楊士奇

日落煙水寒解纜清江渚中夜北風來相送潭州去

秋陰

鄒緝

寒雲將遠空葉落與飛鴻漢苑秦陵外淒涼是此中

雲林畫

王璉

羣樹葉初下千山雲半收空亭門不掩禁得幾多秋

題美人撲蝶圖

王偁

為惜韶華去春深出繡幃撲將花底蝶祇為會雙飛

古鏡

王恭

寶鏡何年鑄龍紋積暗塵非關磨洗倦恐照白頭人

鷓鴣

王恭

綠樹殘春外雙飛錦翼齊長沙有遷客莫向雨中啼

春日游山偶成

郭登

林下扶藤杖溪邊整葛巾春風莫相妬不是折花人

春日登樓

于謙

柳條如翠線萬縷織春愁遮斷東風路無緣入畫樓

金陵懷古

張楷

落日滄江雨東風廢苑春莫言三國士猶勝六朝臣

秋塘

施敬

蓮謝秋塘晚風來野水香采蓮休采葉留葢睡鴛鴦

巴陽夜泊

施敬

獨棹三巴夜秋高片月孤灘聲將客夢萬里下東吳

枯木圖寄許士脩

方孝孺

春到已多時幽禽尚未知上林無限好何事立枯枝

題曹娥江

娥以孝而死江因娥得名至今潮上落猶帶哭爺聲

方孝孺

遠歸圖

杜宇一聲春盡楊花千里人歸半捲東風羅幕任教雙燕飛飛

陳繼

題畫

鳥散江邨社鼓花搖酒市風帘曾記踏青歸去香羅著雨廉纖

江上別

相逢蘭渚潮長相送煙江日斜只說儂家好認門前一樹梨花

劉溥

相思曲

相別誰知許久相思不道能深一夜五更妾夢千山萬水郎心

劉溥

竹枝詞

江心澱澱秋影煙外亭亭綠痕帝子祠前別思鷓鴣聲裏黃昏

劉溥

題畫

山下雲連山上溪西水接溪東舟度白鷗飛處人行綠樹陰中

徐有貞

九峯山行

山路只通樵客江邨半是漁家秋水磯邊落雁夕陽影裏飛鴉

晏鐸

題鄂渚贈別圖送人歸廬陵

三徑重開書屋九峯舊隱人家欲辨武陵春色溪流泛出桃花

楊士奇

玉臺詞

鸚鵡江中紅樹鳳皇城裏青山借問來遊幾日秋水蘭舟獨還

金幼孜

客遊黃鶴磯畔家住金魚浦前心似波閒明月隨君先過螺川

江上即事

一陣霜風乍起半窗月影初斜寶匣燒殘香篆銀缸落盡燈花

郭武

坐穩錦茵重疊醉來烏帽敲斜誰遣青娥鬪月自憐銀海生花

樓上角聲嗚咽天邊斗柄橫斜酒醒風驚簾幕漏殘月在梅花

潮迴沙岸漸闊雲淨山峯更高扶杖僧歸古寺抱琴客度危橋

綠水橋邊酒店白鷗沙上漁家山前山後春雨江北江南落花

田園樂

張楷

綠楊樹頭山近碧草門前徑斜閉戶不干俗慮杖藜時到鄰家
孤棹斜陽水邨一犁莫雨平原藤花靡靡落地桑葉陰陰閉門
清明處處飛雨寒食家家禁煙滿地桑陰獨步半窗花影高眠
遶砌一灣流水當門數箇長松煙中漁艇朝出雨裏人家夜春

題畫

方孝孺

茅屋東嶼西嶼白雲前山後山為報溪頭流水落花休出人間

牧牛圖

方孝孺

谷口驚湍雨歇柳陰芳草春還試問太平樂事夕陽牛背青山

明文在卷十七

明文在卷十八目錄

騷

雲林辭

蘇伯衡

懷龍門辭

劉基

採芳辭題顧仲英綠波亭

王禕

弔茂陵辭

方孝孺

誚伯牙辭

方孝孺

守儉弟歸曰仁歌楚聲為別予亦和之

王守仁

明文在卷十八

常熟 薛 熙 纂
潛江 朱 載 震 訂

騷

雲林辭

蘇伯衡

常人之情未有不好繁華而厭澹泊者也入山林而惟恐不深適
江湖而惟恐不遠非抗志幽篁寄懷夷曠者孰能之六一居士曰
錢唐四方之所聚百貨之所交物盛人眾為一都會而又兼有山
水之美以資富貴之娛吾祖東坡先生以為吳興山水清遠其民
足於魚稻蒲蓮之利寡求而無所爭賓客非有事於其地者不至
焉是二邦固皆東南勝處而吳興之境寬閒寂寞莫豈比錢唐之鉅
麗雄富哉崔彥暉氏錢唐人也顧去之而之吳興營別業一區名
之曰雲林小隱於是乎僑焉此其以澹泊為樂而不奪於繁華之
習為何如彥暉非抗志幽篁者歟寄懷夷曠者歟夫以端木賜之

賢又有仲尼爲之依歸其於道德之足貴紛華聲利之不足尙固
宜曉然若薰蕕不待辨而孰去孰取也然交戰於胸中猶且有所
不免况彥暉當問學之士徇於外物而競於邪侈之際乃能決於
去就如此豈直異乎尋常之人而已使克推是志以學道其於去
卑陋而趨高明也何難哉此予不識彥暉而信其賢因張尙禮之
請本其情爲賦雲林辭曰

眷吾父母之邦兮迺趙宋之故都旣美麗又富盛兮實東南之奧
區眾人胥此焉止息兮吾獨曷爲而去諸此富貴者所娛情兮雖
信美不可以居矧吾舍之湫隘兮直闖闖而臨通衢車塵滃若溥
霧兮紛冉冉將浼予苟徘徊而不去兮幾何不爲逐臭之夫瞻彼
樂郊兮震澤之墟俯蒼雲之漣漪兮仰毗弁之鬱紆前裕衍之絕
壑兮後蒼莽之平蕪阡陌縱橫以基寘兮聚落交錯若畫圖審面
勢兮構吾廬梁桂檀兮柱杉櫛不雕不琢兮不丹青以塗擊薜荔
以峴幪兮苔蘚繡乎階除列陵阜以爲垣兮因澗谷而成渠長松

鉅竹兮森扶疏煙條霧葉兮蔚蔽虧天矯繚糾兮若蒼龍之垂胡
琴麗披離兮若翠幄之流蘇積雨之後日出之初山氣澤氣孰吹
孰噓排我簷楹暮我綺疏栖我几席襲我琴書始膚寸其來會兮
旋波濤之卷舒乍奔騰以翕霍兮儵充塞而模糊何變化之奄忽
兮茫洋莫辨乎四隅幻萬象以一色兮覆六合而有餘中長風之
迅烈兮遂消液於須臾若掃滅而無蹤兮杳不知其所如但見山
青青而林蒼蒼兮掩映湛湛之太虛吾危坐而睇眄兮增感慨以
長吁曰寶莫寶兮貝玉金珠貴莫貴乎爵位名譽等浮雲之不可
把玩兮喟歎先聖其豈我誣胡彼昏之不覺兮爭質質以奔趨况
人壽之百歲兮猶過隙之白駒縱得之亦何補兮徒自默而自劬
吾於世兮復何需屑逐隊兮競馳驅聊歛退而從吾所好兮放浪
肆恣於水滸山砧幸麋鹿之我狎兮喜鷗鳥之不我虞春草蓊茂
春華敷巖紅澗綠張氍毹幽泉發竇疾以徐髣髴會朝鏘珩琚娛
耳悅目樂不可言兮世閒埃壒何濡濡時招玄真子膾卻赤鯉魚

相就東老舊酒壚既醉涉江弄芙蓉歌曰澤有荷渚有蒲荷爲衣
蒲爲菹衣且食兮保我軀滯志釋兮煩應祛逍遙委蛇兮又何必
訪偃佺於蓬壺

懷龍門辭

劉基

有美一人兮美且都青霞爲衣兮白雲爲裾被秋蘭兮佩珣玕太
和與遊兮中黃與居瞻望弗及兮芳歲其徂山高水深兮道阻且
紆安得羽翼兮致我與俱
有美一人兮美且仁自我不見兮知幾春仰玄穹兮盼參辰爲合
爲離兮誰識其因青冥無階兮江海無津安得羽翼兮致我與隣
有美一人兮在山中蒼眉青鬚兮玉雪其容飲沆瀣兮食紫虹澡
石泉兮灑松風邀初平兮從赤松超逍遙兮樂無窮安得羽翼兮
致我與同

採芳辭題顧仲英綠波亭

王禕

有美人兮玉山之下蹇好修兮樂逍遙以容與采眾芳兮中洲洲

有杜若兮有藥在渚秋風兮春雨藥以爲房兮杜若爲戶芳菲兮
襲予羌獨立兮夫誰處我懷美人兮欲往從之水波深兮使我延
佇

玉山之下兮有美一人我之懷子兮匪秋伊春水波兮孔深涉彼
以往兮子宜我親遺我兮芳蘭報子兮綠蘋嗟斯世兮混濁非我
與子兮夫誰與倫願歲晏兮爲期毋相忘兮水濱

弔茂陵辭

方孝孺

祇明祀而言旋兮指槐里以西征停策憩於道旁兮觀高邱之崢
嶸卽故老而訊之兮惟漢武皇之茂陵整冠裳而疾趨兮躋遺廟
以屏營淒風起於叢棘兮鼃鼃嘯於幽壑慨雄心之靡托兮悲曼
志之無成惟君皇之御極兮邁炎靈之方熾陋堯禹爲未足遵兮
卑祖武而弗肯繼內瘠民以自殖兮外震威乎遐裔騁車轍於八
荒兮候神人於海澨建千門與萬戶兮殫土木之奢麗希軒轅之
騰化兮承傲倪乎斯世何盛業之易隳兮洪謨鬱而難宣雖暫弱

於戎胡兮生民疲弊而不痊奇禍機於巫蠱兮妃肩丁毒而銜冤
諒逞心於屠滅兮仰天道之致然闢土疆之宏廓兮曾立宮之莫
固赫兵革之繁庶兮委守衛於草露城闕之崇敞兮求斷礎而無
所後宮之韶冶兮僅或傳其塚墓像祈連以旌武兮想壯魄之已
腐嗚呼形必有盡兮孰不有亡匪君皇之獨然兮尙奚爲隱憫而
迴違惟祈生之已甚兮或妖誑而過望謂長年而卒老死兮斯足
垂戒於昏荒明固有所不達兮智固有所短偉才略之英邁兮哲
與愚其相半賴表聖而默出邪兮兼善悔而能斷雖人恫而財竭
兮終克免乎危亂悼往者之無知兮尙來者之可諫感盛衰之相
襲兮仰昊天而永歎

誚伯牙辭

方孝孺

世傳伯牙事子嘗以爲陋矣及張文潛爲賦哀之其辭信美而其
義猶陋也予是以讀而鄙之因爲辭誚伯牙且以正張子之陋其
辭曰

戰國之士好夸嗜毗恆詭實以求合不顧人之是非於斯時也求
自重而違世者嗟吾舍子而稱誰然於子有憾焉蓋惜子爲藝也
善而爲識也卑君子之學自行而已苟子中之有樂遑恤世之慍
喜感子期之見知遂絕絃於旣死悲乎陋哉子之志也知子一人
不知舉世使夫人能識子則何名爲絕藝俚歌巷語嬰孩啟齒惟
其不知乃爲至貴子之不幸子期是值忘子之惡舉子之愛俾爾
望於人也過深而得於天者不至子誠有以自適天地日月草木
庶類舉目欣然皆識子意苟爲不得雖子期接踵譽言盈耳亦何
預於吾子且夫全於天者不求合於人志乎遠者不取効於邇嗟
伯牙乎爾曷不以萬物爲一身以太虛爲知己等毀譽於浮說而
游心乎沖漠之鄉下治乎無窮上沂乎無始以與無耳者聽無言
者語奚爲栖栖焉隘狷而可鄙此藝之所以爲小技而予固不足
與聞乎此也耶

守儉弟歸曰仁歌楚聲爲別子亦和之

王守仁

庭有竹兮青青上喬木兮鳥嚶嚶妹之來兮弟與偕行竹青青兮
雨風鳥嚶嚶兮西東弟之歸兮兄誰與同江雲闇兮暑雨江波渺
渺兮愁予弟別兄兮須臾兄思弟兮何處景翳翳兮桑榆念重闈
兮離居路修遠兮崎嶇沮風波兮江湖山有洞兮洞有雲深林宵
宵兮礪道曛松落落兮葛纍纍猿啾啾兮鶴怨羣山之人兮不歸
山鬼晝嘯兮下上煙霏風嫋嫋兮桂花落草淒淒兮春日遲葺予
屋兮雲間荒子圃兮溪之陽驅虎豹兮無踐我藿擾麋鹿兮無駭
我場解子綬兮鍾阜委子佩兮江湄往者不可追兮歎鳳德之日
衰將沮溺其耦耕兮孰接輿之避予回予駕兮扶桑鼓子柺兮滄
浪終攜汝兮空谷採三秀兮徜徉

明文在卷十八

明文在卷十九目錄

七

文訓

志釋

卻巧文

王禕

宋濂

王達

明文在卷十九

常熟薛熙纂
江都汪懋麟訂

七

文訓

王禕

華川王生學文於豫章黃太史公三年而不得其要俛俛焉食而不知其味皇皇焉寢而不安其居望望焉如有求而弗獲也太史公一日進生而訓之曰子之學文有年於茲志則勤矣吾聞天地之間有至文焉子豈嘗知之乎夫雲漢昭回日星宣朗煙霞卷舒風霆鼓蕩者天文之所以暢山嶽錯峙江河流行鳥獸蕃衍草木茂榮者地文之所以成天地之文不能自私誕賦於人人則受之故聖賢者出以及壤人峻士相繼代作莫不大肆於厥辭蓋自孔氏以來茲道大闡家修人勵致力於斯其間鞠明究曠疲弊歲月剗精竭思耗費簡劄者紛趨而競馳孰不欲爭裂綺繡平攀日月

高峙萬物之表雄峙百代之下卓然而有爲然而躑躅而不進
骹而不振思窮力蹙吞志而沒者往往而是而能登名文章之籙
者其實無幾則所謂至文者固夫人所罕知是故文有大體文有
要理執其理則可以折衷乎羣言據其體則可以割裁乎眾製然
必用之以才主之以氣才以爲之先驅氣以爲之內衛推而致之
一本於道無雜而無蔽惟能有是則統宗會元出神入天惟其意
之所欲言而言之靡不如其意斯其爲文之至乎凡吾之說子豈
嘗知之苟知之其試以語我生曰文之爲物貴適時好燦然相接
合喜投樂有如正始不完文氣遂偏俗尙化遷而排偶之習興焉
四屬六比駢諧儷聯抽黃對白調朱施鉛五采相宣八音相便握
摛穠纖吟哢寒暄豐腴醲眩麗媚妍珠璣益緘膾炙滿篇凡慶
函與賀牘咸累幅而疊番王公之門下逮閭閻彝儀縟典往來交
際率奉之以周旋又如大雅既遠詩歌日變玉臺西岷其流也漸
支爲詞曲爭嫩競艷字分重輕句協長短浮聲切響清濁和閒羽

振宮潛商流徵泛笙簧觸手錦繪迷盼風月流連鶯花凌亂振妙
韻於沉冥託葩辭於清婉性情因之而暢宣光景因之而呈獻好
會睽離歡忻悲歎莫不假是以託情固無閒於貴賤也若是者其
爲文何如太史公曰古語變而四六古聲變而詞曲文之弊也甚
矣請置勿道爲言其他生曰命卿選士之法廢而科舉乃興以文
取士設爲範程漢有射策唐有明經復有詩賦逮宋日益增經衍
爲義而三篇以明賦本於律而八韻以成咸各專其科各精其能
其義則意融旨切言粹辭達枝語蔓引叢論英發剗聖秘而立辨
幹天機而生說其賦則句練字戛音覈韻軋藻秀春擷花艷晴掇
校妍醜於錙銖品抑揚於毫髮他若宏辭制舉大科別設文法靡
不該文格罔弗列又必學稱博極才號閎傑乃能攻其業凡習於
斯者皆賈勇詞場角雄藝闈不厲兵而白戰爭奪弧而先拔若工
若拙三年是力若勝若劣一日而決及其中文衡入文彀則遂圍
棘聲徹榜金名揭上賢書於天府承洪恩於帝闕乃躋膺仕乃展

遐轍若卿若相鮮不由茲而出矣上以此而求賢士以此而致身
文之用世信不可無也歟太史公曰科舉之文趨時好以取世資
特干祿營寵之具耳學古之君子恥言之生曰文之古者登諸金
石記誌頌銘具有成式或鍾鼎是勒或琬琰是刻或鐫於麗牲懸
緯之碑或鑱在封嶽磨崖之壁莫不炫耀崇勳烜焯茂德載丕丕
之嘉猷紀赫赫之休績然皆一筆之力九鼎可扛一字之價千金
是直爾其宏奧之思雅健之姿瑰璋之辭攬撫馬班凌厲蔡陳蹂
躪韓柳玉采金聲焜焜煌煌錙錙鏘鏘袞章繡紋炳炳焯焯續續
紆紆詭然而蛟龍翔蔚然而虎鳳昂翕然而律呂張正音諧經諫
變態類雲靈勁氣排甲兵沈冥以之而開塞幽悶以之而著宣逃
遠以之而綿延然非儒林宗匠藝營宿將道德爲世之模楷名位
爲國之儀望堂堂焉章章焉擅鴻筆攬魁柄稱文章之大家者孰
當仁而不讓宜其媿美古昔傳信今後照四夷以無倫垂千載而
不朽此其爲文也不幾於古乎太史公曰文至於是謂之古宜也

雖然其爲用殆不止是已生曰朝廷之上有巨文焉典謨誓誥制
冊令詔藹爲王言渙爲大號而帝王之制作存焉灑灑噩噩渾渾
洋洋凌厲蓬亨揮霍奮揚或溫潤而精粹或宏偉而秀雄或嚴肅
而簡重或衍裕而深長經緯天地橐籥陰陽黼黻萬化轆轤三光
封職則氣含陰雨之潤授官則義炳重離之明勅戒則吐星漢之
華治戒則揚滂雷之轟肆赦則垂滋於春露明罰則示烈於秋霜
一字之褒沛漏泉於下地一言之感被挾續於黎蒸朝出九重暮
行四方如風動而草偃如山鳴而谷應奮迅乎寓外旁薄乎域中
鼓舞乎夷夏陶鎔乎帝王文章之用蓋與造化而侔功矣若是何
如太史公曰易曰王言如絲其出如綸詩曰辭之輯矣民之協矣
辭之繹矣民之莫矣文之爲用誠莫盛於此矣姑舍是豈無復有
可聞者乎生曰文之難者莫難於史故良史之才古今或無皇道
帝德王略霸圖運祚興衰治道隆污將相卿士武烈文謨賢智忠
孝凶慝奸諛天文五行地理河渠禮樂兵刑食貨賦租選舉職官

冕服車輿蠻夷戎狄遐方異區恍惚詭變俗怪習殊凡一代之本末皆載乎史故曰史者一代之成書是故事以實之辭以給之法以立之例以律之作史之要必備乎此然非其能足以通古今之體明足以周萬事之理智足以究難知之意文足以發難顯之義者曾烏得以稱良史蓋自紀表志傳之制馬遷創始班固繼作綱領昭昭條理鑿鑿三代而下史才如二子者可謂特起拔出雋偉超卓後之爲者世仍代襲率莫外乎其榘矱論者以謂遷固之書其與善也隱而彰其懲惡也直而寬其賤葬也簡而明其防僭也微而嚴是皆合乎聖人之旨意而非庸史之敢干及乎范曄陳壽之流則遂肆意妄篡曲筆濫箋曖昧其本旨而義駁以偏破碎其大體而辭譎以纖況乎曄壽之不若者則又卑陋而無足觀矣故史所以明乎治天下之道而爲之者亦必天下之才然後勝其任茲其所爲難乎太史公曰噫史之爲文誠難乎其盡美矣文而爲史誠極天下之任矣抑吾聞之文有二有紀事之文有載道之文

史者紀事之文於道則未也生曰聖人既沒道術爲天下裂諸子者出各設門分戶立言以爲文是故管夷吾氏以霸略爲文祈門氏以兩可辨說爲文老聃氏以秉要執本持謙處卑爲文列禦寇氏以黃老清淨無爲爲文墨翟氏以貴儉兼愛上賢明鬼非命上同爲文公孫龍氏以堅白名實爲文莊周氏以通天地之統序萬物之性達死生之變爲文慎到氏以刑名之學爲文申不害氏韓非氏復流於深刻之文尹文氏又合黃老刑名爲文鬼谷氏以捭闔爲文蘇秦氏張儀氏因肆爲縱衡之文孫武氏吳起氏以軍形兵勢圖國料敵爲文荀卿氏楊雄氏則以明先聖之學爲文淮南氏則以總統道德仁義而蹈虛守靜出入經道爲文凡若此者殆不可遽數也雖其文人人殊而其於道未始不有明焉譬猶水火相滅亦以相生和敬相反亦以相成易所謂天下一致而百慮同歸而殊塗者言本於一揆而已文以載道其此之謂乎太史公曰諸子之文皆以明夫道固也然而各引一端各據一偏未嘗窺夫

道之大全人奮其私智家尚其私談支離頗僻馳騁鑿穿道之大
義益以乖大體益以殘矣此固學術之弊而道之所以不傳也生
曰聖人之文厥有六經易以顯陰陽詩以道性情書以紀政事之
實春秋以示賞罰之明禮以謹節文之上下樂以著氣運之虧盈
凡聖賢傳心之要帝王經世之具所以建天衷奠民極立天下之
大本成天下之大法者皆於是乎有徵斯蓋羣聖之淵源九流之
權衡百王之憲度萬世之準繩猶之天焉則昭雲漢而揭日星布
煙霞而鼓風霆猶之地焉則山嶽峙而江河行鳥獸蕃而草木榮
故聖人者參天地以爲文而六經者配天地以爲名自書契以來
載籍以往悉莫與之京斯其爲文不亦可以爲載道之稱也乎太
史公韞然而驚喟然而歎曰盡之矣其蔑有加矣此固載道之器
而聖人之至文矣嗟乎世之學者無志乎文則已苟有志焉舍是
無以議爲矣是故本之詩以求其恆本之易以求其變本之書以
求其質本之春秋以求其斷本之樂以求其通本之禮以求其辨

夫如是則六經之文爲我之文而吾之文一本於道矣故曰經者
載道之文文之至者也後聖復作其蔑以加之矣今子知及乎此
則其文也其進孰禦焉特在加之意而已矣生於是再拜謝曰謹
受教敢不拳拳服膺是則是效以無忝夫子之訓告

志釋

宋濂

華容孝廉與廣平文學遇於神明之臺孝廉問曰子締子交已越
二紀其貌固狎其志則未之聞也子能爲我揚摧古今而釋之乎
文學曰走也不敏長自巖穴鶴毳編襦土芝縕食動趾踉蹌發辭
譏吃忽挾紉縹去歷都邑見者大噓指爲木刻錯愕周章無地寄
迹獨孝廉煖我以溫顏前我以重席迪我以三古之芳猷期我以
九能之至域拜孝廉之貺厚矣孝廉有問敢對以臆寓形霄壤不
啻蟻蠓時幻歲遷電滅鳥空惟極所適其樂則鴻出遊大澤才蹇
氣雄鼻尖出火耳後生風金張前驅許史後從牽黃臂蒼箠矢韞
弓仰落雙雕俯掄長熊毛血旁灑塵壘四封入據邃館廷實唯供

五
壘尊旁午豆俎衡從肉腴含春耐暈移童器周八音律合六同部
分立坐筵布西東綠華白台南威紫衝鑿輔奇牙瓌質姣容歌喉
撼塵舞袖翩龍其所有事日新而弗足也竊有志焉孝廉能許之
乎孝廉曰欲敗度縱敗禮古人所戒子豈宜蹈之願聞其他文學
曰班生投毫令名煌耀終童請纓其齒甚少不有焰焰孰潛其燭
非勒銘於燕然必建標於粵徼軒冕以之蟬聯紳笏以之媵僚衛
霍擁軫樊陳執燾公子掃門王孫媚竈霜露係乎吹噓予奪視其
愠笑其銳也若孟勞之出魯禘其重也如天球之鎮周廟天下學
士揮汗爲雨聯袂成帷莫不仰遺光而企末照其視處環堵厄藜
藿擊壺而越吟倚柱而吳笑卑卑高陽之畔落落滋泉之釣口心
共語影形相弔不亦大有徑庭乎孝廉曰功高者身危位隆者名
喪此眾人之所嗜而君子之所慎也文學曰神封靈壤作鎮下方
會稽衡華沂岱嶽常霍及醫閭分布九疆總三條於中區限兩戒
於外邦他若滄漲蕩浮青瀚混茫包天裹地循環相通其間怪偉

六
靡可數詳天孫岳長水伯瀆宗昴宿寶符之貴玄龜青鯉之章金
篋玉策之探日月珪璧之藏或隱而晦或露而彰走將簡徒御戒
樓航濯足於咸池晞髮於樽桑豁氛埃於人瑕發忠信於天光蒼
水之使稷邱之君庶一問之勺鼎胡而想遺弓履河洛而思聖勳
也孝廉曰山川形勝固足以廓子耳目昌子文辭然非至焉子毋
徒取於太史遷也更請大之文學曰去聖逾遠學術紛披控名責
實禮度是師上下有敘隆殺異宜苛察繳繞弗失絲釐貴儉兼愛
上賢右鬼采椽不斲型簋唯土嗇然自守與孔齊軌權事制宜詭
行遁辭移陰轉陽入神出奇變化闔闢十日莫窺秉要執本立爲
經制法無常形事無成勢洞究羣情爲萬物主儀節或愆峻刑彌
之肅如晨霜犯者裂肌仲鞅非到挾之以馳因彼天時以施政令
若儀若象測度以定紀綱載明是謂大順食天所寓邦本所資山
澤平地相厥攸宜入政之首著於經彝揣摩國紀宣明帝治或合
或兼本末畢具凡有猷爲罔越憲制若是喧豨江焱訊雷震撼乎

四極充斥乎九垓風颯乎海水起立而應龍天飛也芟芟乎五兵
雜陳而神授握機也芒芒乎曠野萬里而列井布碁也走欲徧索
其說而試之不識可乎孝廉曰夫子沒而微言絕諸子百氏人人
殊未有能一之者也文學曰哉定惟武亦國之程其書漫延四類
是繩陰陽權謀伎巧勢形其目臚列繙繙續續九宮八門六甲五
神軍軌兵鈴星式雷經金雞玉狗風角鳥情制器尚精動合神機
胄鎧羅陳戈戟交施渠答距堙驚冥扶胥象車雀杏行馬飛鳧武
衡大櫓驪耳長戈雲火萬炬渾脫全軀策全器良其用益張營察
六形旂按五分天地定位風雲流行虎龍騰越鳥蛇翼驤正正奇
奇巍巍堂堂赫赫粲粲稜稜璜璜以守則固以擊則揚或追北於
函谷或喋血於太行或徇地於臨菑或陷堅於昆陽是亦英雄之
壯觀也走竊樂之不知飢渴之在已也孝廉曰兵者不祥之器聖
人不得已而用之子服儒衣談儒書又焉用爾爲文學曰粵厥軒
轅游心太初上超鴻沆下入渺瀰有竊其餘亦神其軀文賓履生

師皇馬醫玉柱丹砂騎鳴龍師木羊葛由神泉鹿皮折足山圖赭
衣服閭女几素書赤斧碧雞朱璜瘦脫玄俗質虛心存冲寥跡亦
倜奇五性既絕九患亦除三階有嚴七變無虧身升紫宮位紀琳
書陰隆伏骨目炯四規執東象之玉文契九赤之班符御躋虛之
龍襪服太極之麟芝入火不熱入水不濡入石不闕入木不拘雲
臥天行神潛靈飛是蓋與天爲徒又不特致治於無爲也當關我
石室寢我世機服我胎息殺我蟲尸洗伐我毛髓銷解我膚肌觀
銅狄而摩挲約令威而來歸不知能成其志否乎孝廉曰聖人不
師仙使其可爲則周孔爲之矣文學曰荒荒遺文或僞或真學徒
巧辨或正或舛先出者堙後出者存何老生怨尤而異師是嗔藏
之名山編簡乃完何傳授有序而魚魯或殘汲冢一啟蟲書再覩
何怪言放紛而弗齊於古緯候相傳內學是尊何列國寶書而盡
閱其文僭辭竊義龔俗簧世日新月巧動莫之制衡錯攤瑩方州
部家何立言艱深而莫究津涯始生終通生育及資何其象不一

而數皆九爲原熒州冢名性氣體何圖指侷殊而重摹迭疑觸類
而言何莫非此沾沾動喙徒見其鄙走將鉤其麗鴻掠其纖微懸
空明之金鑑俾無遁於妍媸能若是是亦足矣孝廉曰此龕近之
然殫於傳注童習白紛若華蟬死生其間亦奚益哉文學曰孟軻
氏沒世乏真儒師師萌庶俛奚歸孰廓我矇孰砭我愚羣言孔
多契真者誰欲操腐艦以泛具區欲絡盲象以駕鼓車縱有智巧
寧不殆而嗚呼噫噓一何寥乎九聖之神於昭於天九聖之心存
之於文又何昭乎嗚呼噫噓蕢盈室何有芳蓀繁星爛宵孰知
朝噉寧不使我怡怡而悵悵乎帝降民衷德與天一胡不自貴葩
藻是溺顛倒首足淆混白黑棄其瓚槃寶厥瓦鬲拊膺自傷淚血
交積誓副宿穢以刻末習駕春陵以爲舟鼓關洛而爲檝張武夷
以爲颿期沫泗之可涉夙興夜寐惶惶業業凜然如上帝之在目
睫若是何如孝廉曰此僕素昔之所究心者也幸與子同之於是
執手降臺相視而笑笑已繼之以歌曰真儒不生世陰陰兮擿埴

索塗愈幽深兮炯其靈根無古今兮超彼九玄離濁氛兮攀淵追
騫乘赤麟兮文之興喪資以身兮任重道遠何時而止兮朝斯夕
斯相期於歿齒兮

卻巧文

王達

昔柳儀曹製乞巧文千載之下有鐵厓常儼之矣予讀二先生之
文感而作卻巧文并窺管見其敢追踵前賢哉姑自釋其抱耳
歲維壬辰七月之七王子潛居江江弗憚適洽風颯然月綻雲拆
桐籟薦秋露花凝夕有一嬋娟欵苙吾席析析步搖灑灑繁飾睨
王子而言曰吾天女之孫也職司天巧式利下民禱吾者泰背吾
者屯趨吾者富違吾者貧吾久聞子多齎少文吾實恤子來濟子
身汝或不憚吾悉汝陳王子竦肩斂踵覩觀恣恣似夢非夢謂神
非神蒲伏而言曰臣固拙矣敢不願聞天孫整居端坐憮然曰噫
人生兩間孰弗冀通今子弗克巧進自貽醜窮不師詭遇祗業專
攻末塗嚙嗜龐言滋豐技夸鬼蜮計逞狙公鳥翼蛇驤蜂聚蟻同

託根巍柯名曰宛童俾不曲合焉致斯崇路欺握雉祝天祛蟲陽
縱陰戢內傾外融憎陋忻媻人心攸同龔俗簧世譎行迂蹤季子
由是而貴曲逆由是而封子不聞歎矧乎妙奪工倕紆行曲施能
若是者庸無不宜前邀後障左繩右規笑婉薇露戲焚玉鞋錦心
繡腹侮書嫚詩啟喙成訟轉趾微疵子子奪奪是非非顛倒縱
橫起滅提槌倚天拔地斷蛟刺犀藻葩綴縟陟降驅馳氣廟屈子
目短相如諸侯見構豪族爭儲一譽可喜一毀可悲致顯若彼汝
奚不爲今子譴吃赭顏沈吟支頤窮鄉僻地運日以奇我今告汝
汝應縮思汝不改轍焉能救而夫騏驥捕鼠弗逮狂狸吾將錫子
語奔助子嘲機納子之黠驅子之癡詎不偉哉王子曰臣聞駑馬
安步麒麟踟躕各有攸得奚慰奚惡良玉渾然焉事刻琢馬安善
宦倪寬樸學寧爲拙傷毋爲巧詆岐殊術異彼此相角沾沾求容
栩栩強語手擎足旋神辱志沮我嗟其人汨此靈府命栖險竿躬
呈游弩蒿目蓬心臣實不取天孫噱然笑曰井蛙不見東海螭蛄

不知春秋弗識宜樞弗察芳猷方柄圓鑿弗恆弗投毀方瓦合惜
不知謀耳與目敵心與身離么麼之技自矜寡儔汝不思變吾實
汝羞汝今絳宮弗懲玉堂弗憂攻苦敷淡尪如楚囚匪徒恥之吾
實悲之也匪徒悲之吾實悼之也王子又蒲伏而謝曰天孫之心
固仁矣啟臣之智固備矣然強哭者雖疾不哀強歡者雖笑不妍
生龜脫筍固非自然危鶴斷脛乃違厥天機械藏心神德不全夫
巧者言拙者默巧者勞拙者逸巧者賊拙者德巧者凶拙者吉此
先正之格言敢弗服膺而警惕於是天孫若然冥逝茫無所得出
門視之但見煩星麗天萬里一碧

明文在卷十九

明文在卷十九

十九

